

II GANO LIINDA



Ndi cili mukupobola, akwalo, aa cilongezyo eco cifumo cino.

Oh, ca kwiindilila, cakuvulisya, ta zizizilwe zintu, ezyo Leza nzya konzya kutu citila cindi twa bungana tobeni! Sena mwabona kuzwida cindi nitwa kabamba oku kulisalazya kuli Leza, obo zintu mbo zyali kweenda okuno? Cilongezyo a cilongezyo, nguzu kutobela nguzu, bulemu kwamana bulemu! Cali buyo cibotu. Elyo Uyo zumanana kucita boobo. Otu tutambala, Nda kombela abo, ikuti—ikuti na muntu umwi awa ngo bazulilwa.

² Lino Ndi yanda ku caamba buyo, kaindi omwe na tobilo, alimwi kulumba lutaanzi kuli ndinywe nyonse ku zipo zibotu zya Krisimasi, a nsuuti ya kusama njomwa kanduulila. Sa eco ncakali muli yako, Mukwesu Neville? [Mukwesu Neville waamba, “Iyi, munene. Iyi, munene.”—Mul.] Iyi, munene. I nsuuti ya zisani. Bakambausi bala konzya lyoonse kubelesya nsuuti zya zisani. [“Ila ndeelela kabotu.”] Cibotuloko! Eco ncibotu. Lino, bazwa mitukuta, alimwi eyo nkasaalo ipa kubola ku zisani cakufwambaana kwinda cimwi Nce zyi, nywebo mwabona. Elyo citola buyo zisani zinji kujata mukambausi, a zisani zibotu. Cikobela cini cakkotoni cicipide ciya kubola ncobeni, mukati aniini. Aboobo, i—i nsuuti mbotu mbuli eyo iyoba a imwi kusama muli njiyo.

³ Elyo amuyeeeye buyo, mula gwasilizya a kupa zisani ezi ku mulanda wa Mwami. Elyo Mwami amu longezye. Jesu wakati, “Muciimo mbuli mbo mwa kacitila basyoonto bakwesu aba Bangu, mwa cicitila kuli Ndime.” Aboobo nkikaako taakwe nokaleta, kaulila bakutausi bobilo nsuuti; wa kaula nsuuti zyo bilo zya Jesu. Uh-huh. Nce ncico Nca kaamba, “Mwa kacitila Ndime.”

⁴ Pele oko kugumwa kuniini kwa Kujulu, cifumo cino, sena mwa ciziba? Taakwe lwiito lwaku cipaililo, kwiina cintu; pele kwamana buyo Mulumbe a—a kukatulukwa kwa Muuya Uusalala kaufumpa bantu, bulemu bwa Leza kabweenda, ba katalika buyo kutanta, a kuselemuka, koonse. Elyo Nda bona beenzuma beni babotu bana Baptisti, bazwa ku Mbungano ya Walnut Street Baptisti, mu Louisville, kaimvwi mu kazila, kasamba buyo mu Nguzu zya Leza. Oh, ma! Ba, Nda kaba swaana kumane kuswaangana, ba kati, “Ezyo ni Nguzu zya Leza.”

Nda kati, “Mbo mbubo. Uli masimpe . . . Uli luleme ncobeni. I Nguzu zya Leza!”

⁵ Elyo tokonzyi ncobeni kujana majwi akwaamba. To zyi cintu ca kwaamba. I Muuya Uusalala utola buyo muswaangano nkabela tozyi eco Ncayo cita ancico. Cabutontozi, cabubotu, cabubombe, katyokede. Oh, Mukwesu Pat, eelyo ndi Julu buyo, kuli ndime. Ndili buyo umwi wa musyobo oyu wacyianza cakale oyo uyandisyta kulimvwa oko muli Ncico, nywebo mwabona.

⁶ Mbuli sikwaazwa Paul Rader, wa kati kuli kakwe. . . Ciindi cimwi wa kali kwaamba kaano. Elyo wa kati walo a mukaintu wakwe bakali kkede ku tafule, nkabela waa kali kuyanda kwiinka kubusena bumwi na kucita cintucimwi, elyo wa kazumanana kwaamba kuli nguwe, “Nse konzyi buyo kucicita,” azimwi zimbi, nkabela na kamugonka aniini.

⁷ Aboobo wa kalanga koonse kuli nguwe, a misozi yakali kuboola aa masaya aakwe, elyo wa kati kuli nguwe, wa kati, “Ee, lino. . .” Kayeeya mu moyo wakwe, “Uh, ikuti na ula bunyonganye loko, alekwe buyo akkale kanyogene.” Aboobo walo, mbuli muntu, mbuli mbwa kavunga pepa lyakwe a kulibikka mutiba wakwe ansi.

⁸ Elyo lyoonse waa kaima ku mulyango a kumumyonta kulaya kuli kabotu. Elyo mpawo cindi nakazwa ku mulyango, waa kali kunga wayumba kuli nguwe, elyo mpawo eco inga—eco inga ca cimamela, nywebo mulizi, kusikila wa jokela kuzwa ku ofesi lyakwe.

⁹ Elyo aboobo cifumo eco, kati, cindi niba katalika kweenda, baa, i. . . ku mulyango, baa, waa kaliimvwi muni lya mulyango, elyo wa kamumyonta a kuzumanana kuzwa kumamanino aa mulyango. Kajula mulyango, kacebuka, nkabela waa kaliimvwi ku mulyango a mutwe wakwe kavundeme, kacicicisa, wakati wa katambikizya kuti usyaale kabotu, awalo waa katambikizya kuti weende kabotu.

¹⁰ Kati wa katalika kuselemuka kagwagwa, nkabela wa katalika kuyeeya, “Ino kuti cintucimwi inga cacitika kuli ndime ka Ndi tana jokela ku muunzi, na ino kuti cintucimwi inga cacitika kuli nguwe Nke tana jokela, Leza uyo twiita kuzwa aa cilao; alimwi mbuli mwanakazi mubotu mbuli mbwa kabede, obo mbwali mubotu, a zimwi zimbi?” Elyo wakati, aindila kuunka, nowiindila moyo wakwe kutalika kuzimba.

¹¹ Aboobo wa kanyona buyo akuzwa kujoka, wakajula mulyango, kazuzila mu ng’anda, kajula citendele. Elyo cindi na kajula mulyango, wa kamvwa cintucimwi kacilila. Kalanga koonse, waa kaliimvwi kunze lya mulyango. Kati taakwe na kati “kondi jatila,” ta kaamba kuti “Nda lilekelela,” kwiina nca kaamba. Kati wa kamukwempa a ku mumyonta alubo, kanyona a kuzwa kusule. Kati wa kazwa kuya ku mulyango, kati waa kaliimvwi ku mulyango alimwi. Wa kati, “Mbubo.” Alimwi waa kati, “Mbubo,” kati, mbubonya mbuli mbwa kacita ciindi citaanzi, pele ciindi camamanino caka jisi kulimvwa muli ncico.

¹² Aboobo eyo nje nzila mboibede, cindi noi jisi kulimvwa muli njiyo, nywebo mwabona, kuti ncintucimwi ncobeni kuzwa kuli Leza.

¹³ Lino mu kusala kwa ziindi zisyoonto zyainda, kwa musyomezi mupya, Mukwesu Sothmann. Ndili masimpe kuti basyomesi, a boonse, bali zyi lino, kuti, ku mamanino mwaka wa zyamali mu Mukazimaziba, kuti onse maofesi aa mbungano, mbuli beembeli aba madaikona, a bamwi, alagola. Mpawo na bayanda kuzumanana. . . Lino, beembeli, Nse kanzila ceeco. Ndali kwaamba basyomesi, aba madaikona, a bamayi ba zikolo zya Munsondo, abamwi bambi. Ba. . . I mweembeli ulisalidwe kwiinda ku mbungano, alimwi ula kkala kusikila, mane. Elyo mpawo—mpawo ba. . . Ikuti na bantu, boodi iliko ya basyomesi, naya madaikona, na bamayi ba zikolo zya Munsondo, na nkunji buti, ikuti na bayanda kuzumanana, bala zumanana buyo. Ikuti na taba citi, mpawo beelede—beelede kuleka ncito beni na taba yandi kuzumanana. Elyo kwiina cintu caku balwana, mpawo bala zumanana kwa mwaka utobela. Elyo—elyo mpawo ikuti na taba zumanani, nkokuti ba jisi kusala, a kusal musyomesi umbi, na—na kufumbwa mulimo mbowa kabede.

¹⁴ Nkikaako, ta cisanikiziyi muntu, ku ciindi conse ca buumi bwakwe, kubeleka mu boodi. Pele kufumbwa kuti kalimvwa kuti Leza uli a nguwe a kumugwasya, alimwi uyanda kucita cibeela cakwe, na cibeela cakwe, kufumbwa mbo cinga caba, kuzumanana a mulimo wa Leza, tuli kkomene lyoonse kuba ambabo kubelekela antoomwe a ndiswe. Mwabona? Pele nzila eyo cipa muntu ciindi ceelede cakubelekela kwa mwaka a kubona obo mboba ciyanda. Bamwi basyomesi besu bakkala kwa myaka a myaka, a madaikona abalo, alimwi eco cili kabotu cakulondoka. Pele mpawo kwiina ciindi cibikkidwe. Ikuti na musyomesi, na mweembeli, na umw ulimu bboodi, talimvwi kuti inga kacibeleda ciindi cilamfu, na kuzwa, mpawo bazibya buyo mbungano, kuti bala konzya kujana muntuumwi mu masena abo.

¹⁵ Elyo nce ncico caka citika okuno, sunumasiku, a Mukwesu Morgan, Mukwesu William Morgan kuleka ncito ya busyomesi. Ba kali kuyandikana musyomesi umbi. Elyo Mukwesu Sothmann waka salidwe mbuli musyomesi, mu ciindi cimbi, elyo mpawo sunumasiku wa tambulwa aa bboodi.

¹⁶ Nca mulao, kufumbwa kuti kaili mbungano. Mu mbungano yesu, nku lyeendelezwa kwa mbungano. I mbungano ilagusya, na kubikka musyomesi, mbungano ilagusya mweembeli, na kubikka beembeli. Kufumbwa mbo cibede, ni mbungano muli zyoonse. Eco nca buapostolo. Eyo nje nzila mbo cakacitwa mu ciindi ca Bbaibbele. Aboobo, tu limvwa kuti taakwe muntu omwe, mpawo, muleli wanguzu zimaninide na cintucimwi mu mbungano. Ta tuyandi ceeco. Boonse bantu, muntu aumwi, lwangu, mu kuvootela uli onse, nkabela ujisi vooti lyomwe,

mbuli buyo muntu uli onse wa mbungano okuno, vooti lyomwe buyo. Tacili ceeco nce Nda amba; nceeco mbungano nco yaamba, mwabona, eco mbungano nco yaamba mu mubili. Mula ciyanda eco? Oh, Ndi yeeya kuti eco nca Malembe buyo. Eyo nje nzila mbo ceelede kuba.

¹⁷ Lino, eyi iyooaba mvwiki ndemu kuli ndime, iboola, juunza, na Mwami wayanda. Nde elede kubamba kusala kwa mwaka uboola, ku kutambwa koonse. Ndi yanda kuunka ku—ku ofesi a kubweza kutambwa kwangu koonse a kubaleta ku muunzi. Nkikaako, kwa mazuba masyoonto atobela, Nda unka ku mupailo, kuli Leza, a ku Mu kombela kundi sololela a kundi tondezya nzila ya kuunka a cakucita. Ta tuponi mu ciindi mbuli mbo cakabede cindi Na kali waano, oko Leza nkwa ka Mu sololela kuzwa ku busena kuyaku busena, alimwi Wa kali mu dolopo kwa maora masyoonto a kwiinka ku muunzi umbi. Pele sunu cili aa ciyanza caandeene, ni nkamu zyakabambwa aabantu a zintu zinji zyelede kucitwa.

¹⁸ Elyo nzila Mbwe cicita, Ndi leta kutambwa kwangu konse kwaku Africa aku kubikka, kutambwa konse kwamu India, akonse kwaku California, Utah, akutambwa konse kwandeene, aku kubikka mu zilwi zipambukene. Njo balekela kukkala. Alimwi mpawo Nda kweenda a kupaila, ndiza kunjila mu mootokala wangu akutabako buzuba bomwe na obilo. Ku jokela, akupaila. Cintucimwi caboola ku moyo wangu kuunka kubusena bumwi, mpawo Nda bona ikuti na muzeezo buyo. Mpawo, kumane, mpawo Ndi . . . kuti na candi botela kapati, Nda inka ku cilwi eci awo ali busena bumwi, mpawo kuli bwezela lugwalo a ku lubala, kutambwa, kubona awo mpo cibede. Mpawo, kuzwa waawo.

¹⁹ Nkaaka kaambo Nce citila ceeco. Muyeeya kweenda kutandila maora ali seveinte tuu mu ndeke, mu maguwo amvula, alimwi aatala ansi a koonse, ikuti na wakasola kweenzya masi ambi. To zyi! Ziindizimwi muli atala, alimwi ziindizimwi muli ansi, a kuvuuluka, akugwenauka, a kuyaansi, kwiinda mu makumbi a koonse ku maanzi ayo, kwa mazuba otatwe a masiku. Mpawo wa lyata a nyika, elyo cintu citaanzi cikuswaana ngu Saatani, “Ee, nkamu ya bakutausi ya kaamba *ceeci*. Bamwi babo bakaandwa aa voota, a bamwi.” Mwabona?

²⁰ Mpawo inga waamba eci, “Ee, ndiza Mwami takali kuyanda kuti ndiboole.”

²¹ Pele cindi watumwa aa Leza, uli libambilide kuyo swaana sinkondo. Yebo wati, “Nda boola awa, mu Zina Iya Jesu Kristo. Nda kaboola mu Zina Iya Mwami Jesu, elyo mpaawa Nda kkala mane mulimo Wakwe wazulila.” Mwabona? Elyo uli libambilide kuyo swaana mpi.

²² Aboobo, mula ndiyanda, Ndi lizi mula cita. Aboobo amu ndikombele, mvwiki eyi, kuti Ndiyo bamba kusala kululeme,

kwiinda ku bunanike bwa Leza buyo ndisololela.

²³ Lino Ndiya kuba a misyoonto buyo, eco Nce ita kuti, miswaangano miniini ya kusotoka. Ndiya kuselelo mu Florida, wa lusele, fuka a kkumi lya mweezi oyu; na, Tifton, Georgia. Tifton, Georgia, ya eitithi, nainithi a teenithi ya Mukazimaziba, Ndali kuyanda kwaamba kuti, mubusena bwa mweezi oyu. Elyo mpawo Nde elede kuya ku Glasgow, Kentucky; alimwi antela Somerset, Kentucky; alimwi busiku bumwi, alimwi ndiza Campbellsville, Kentucky. Elyo—elyo Mukwesu Rogers wakali kuyanda kuti ndiboole busiku bumwi, ku busena bwakwe, obo mbo twa kajisi. . . kacita ku mwi impya ciindi cimwi.

²⁴ Lino, kombela Mukwesu Rogers. Twa kali kuba a luswaanano, sunu, alimwi Nda kajata kwa janza lyakwe a kumujana mu ciimo cibyaabi, cakunyama. Aboobo kokombela Mukwesu Rogers abusena awa. Wa kaba a cipati loko aa maanza aakwe alya, nkabela caka mubamba kulibilika akunyongana, elyo uli—uli mu nseba mbotu maningi ndyonya lino, alimwi mukaintu wakwe uli muciiimo cibyaabi loko. Aboobo amu bapailile abo banabukwetene, bana babotu iba Leza. Elyo Nda kamwaambila kuti, Mwami nawayanda, inga Ndiyo mujana busiku.

²⁵ Elyo Mukwesu Ruddell, muniini wesu. . . imwi ya mambungano esu maniini aabuseli, atala awa ali makumi ali cisambomwe a obile, mulombe muniini sibweene, wa kainka awa nkabela taka konzya nokuba kulanga. Elyo wa kali kuboola ku ng'anda. Elyo, oh, Ndi yeeyela kuti bantu baka yeeya kuti wakali sikunyonyoona walyonse, pele kwakali cintucimwi cakali kujatikizya mulombe cakaboneka kasimpe. Nda kazumanana buyo kukkala a nguwe, a kukkala a nguwe, kwaamba, “Mukwesu Ruddell, inga wacita.”

²⁶ Wa kati, “Mukwesu Branham, Nda nyamuka kumbele lya nkamu ya bantu, moyo wangu—wangu waboola mu kameneno kangu. Elyo Nse—Nse—Nse konzyi buyo kwaamba bbala.”

²⁷ Nda kati, “Koima awo a kulimena kujoka aansii, a kwaamba, mu Zina lya Mwami.” Mwabona? Elyo lino uli jisi cikombelo musela wa cimwi eci, atala awa mu mugwagwamupati, kacita buyo cintucimwi. Kokkala a ncico. I mulombe wakajisi kwiitwa kwa Leza. Nda kalizi bawisi bakwe, banyina. Mbantu babotu maningi.

²⁸ Elyo mpawo tweelede kuba a Junie, busiku bumwi, kumusanza mu New Albany. Elyo, oh, nywebo mulizi, miswaangano buyo misyoonto, eyo Nje konzya kujata busiku awa a busiku okuya.

²⁹ Kusukila, na zintuzyonse zybambwa kwendelana ku bweende, kutandila twenti fifithi wa Mukazimaziba, Ndiya kuunka ku Miami, ku Muswaangano mupati wa masi nyika yoonse iwa Bantu Basimakwebo Banakristo iba Makanimabotu

Aazwide. Elyo kuzwa awo, kusika ku Kingston, Haiti, kuselemukila mu South America, a kutala kwiinda mu Mexico. Elyo kuzwa waawo, kuya mu Africa. Kuzwa ku Africa, kutala mu Scandinavia. Elyo azimwi zimbi, mbuli boobo. I cibeela cipati maningi ca mwaka, Nda syoma, tuyo tolwa mu miswaangano yaku masi ambi. Aboobo amu ndikombele, Nde elede kubamba muzeezo ululeme.

³⁰ Lino, olo buyo ikuti na nduyando lwa Mwami. Ikuti na pe, Ndili libambilide kuunka kuli koonse, busena buli boonse. Ta cikwe makani awo mpo cibede, Ndi yanda kuunka. Pele kufumbwa kuti Nke konzya kwiima mu lusuko olu lwa nyika olo Leza ndwaka ndibikka, Ndi yanda kukambauka buvubi Bwakwe butalangiki kusikila lufu luka ndigwisyaye ku mubili oyu. Oko nko kukanza kwangu, ku luzyalo lwa Leza, ikuti na Uyo ndigwasya buyo. Ikuti na Wa gusya janza Lyakwe kuzwa kuli ndime, dyabulosi uyo ndijaya. Aboobo amukombe buyo kuti Leza uyo bamba janza Lyakwe lya luse ali ndime.

³¹ Nse lombi kubeteka Kwakwe kululeme. Ndi lombi luse Lwakwe. Mwabona? Lino, kubeteka Kwakwe, peepe, Inga nse kukonzya oko. Luse Lwakwe buyo nce cintu Nce lombelela, nkaambo Ndi lizyi Nsyee eleli, alimwi kwina umwi uli boobo. Elyo ncibotu tu talombi kululama Kwakwe. Tu yanda luse Lwakwe.

³² Lino, sunumasiku, mukuba ajwi lyaangide, pele nse konzya kukaka coolwe, ku kanana ku nkamu eyi mbotu ya Banakristo. Amulindile, ka Ndi tana buyo kwaambilizya oku, a ndaambe cintu comwe. Kuciindi nyoonse nomuli mu moyo omwe lino, mu kuzuminana komwe, nkabela zintuzyonse kazyeenda kabotu, amu ndipe kubandika kuniini kwa maminiti obilo ku mbungano yangu. Mwabona?

³³ Amuswiilile, nobayandika bangu mu Makanimabotu, ma . . . nyenyeezi mu musyini wangu, ikuti na Ndi yooba omwe, wakaulwa ku Bulowa bwa Jesu. Nda kacita ceeci ku bukanze, kujoka boobu. Twa kabamba muzeezo oyo mu lweendo lwa kuvwima, Mukwesu Roy Roberson, Mukwesu Banks Wood, a Ndime, mu lweendo, eco ncotwa kakonzya kuleta, ku josya. Mukwesu—Mukwesu Roy a toonse swebo twakali kwaambaula, a kujatikizya mweembeli wesu, Mukwesu Neville, a muntu uuli kumbele lyanu ciindi coonse, kweembela a zintu zyoonse, tula muyanda. Pele, nekubaboobo, Mukwesu Neville mukuba mweembeli ubelekwa awalo, ciboneka buyo kuyuma aniini ku Mukwesu Neville kutontelwa muli ceeco. Mwabona? Aboobo twa kakomba, alimwi cakalibonya mbuli kuti lwakali luyando lwa Mwami kuteeti Ndi cicite. Lino, Nda kalomba Mwami ikuti na inga Wa ndigwasya, inga Nda cita ku bubotu bwangu bwiinda.

³⁴ Elyo kumane kubamba kulisalazya kwangu kwini, elyo kumane kubamba, kuba a mbungano kucita boobu. Lino,

ikuti na Leza waka tulongezya mu nzila Mbwa kacita mu miswaangano misyoonto yamamanino, a kulisalazya oko kuniini, ino Uyo cita nzi ikuti na twa cibamba? Mwabona? Amu cibambe buyo. Lino amuswiilile. Muli mu luyandisyo a umwi aumwi. Obo mbo Nda mubona kamwimvwi mu tuzila, cifumo cino, a mvwiki eyi, a maanza aanu kuli Leza, alimwi—alimwi Muuya mubotu kaweenda konse, atala lyanu!

³⁵ Lino muta swiilili ku cintu comwe cibyaabi dyabulosi nca elede kwaamba. Mwabona? Ikuti na dyabulosi wa kutondezya bamwi, na ku kwaambila cintucimwi cibi, kujatikizya umwi wa mamembala aa Mubili wa Kristo, muta cisyomi. Nkambo, kufumbwa buyo mwacisyoma, mwa nyonganya luzibo lwanu.

³⁶ Elyo ikuti na mwabona umwi wa mamembala aa Mubili wa Kristo wacita cintucimwi cibi, utaambili muntu umbi. Pele kamuya ku cizo eco, a luyando, a kubona ikuti na tamu konzyi kubajosya kuli Kristo alubo. Elyo ikuti na to konzyi kucicita, mpawo koambila muntu omwe, na aba lekwe kuunka a nduwe. Amu cicite nzila Lugwalo mbo lwaamba. Mwabona? Pele muta . . .

³⁷ Ikuti na muntuumwi waamba, “Mucizi *Niini-a-niini*, na Mukwesu *Niini-a-niini*,” uta syomi ijwi lyomwe lya ndilyo. Ko cisiya buyo koya. Nkaambo, koyeeya, ngu dyabulosi usola ku kuzapaula mu tubeela. Lino amu mulange buyo kuti aboole mukati, nkaambo uyo cicita. Lino kolekela muntu mubotu wa ng’anda, lusyomo, koima mpoonya awo, nkabela uta tambuli cintu comwe. Aba bantu baka bikkwa mu masena Aakujulu a ndinywe, kuswaangana antoomwe ku zilongezyo zya Leza, kulya mulalilo ku tafule, alimwi Muuya Uusalala wakapa bumboni kuti mbana ba Leza. Atube buyo bali kabotu loko, camoyo wabuuya, wakujatila, akuyanda. Elyo ikuti na muntu umbi waamba bubi bwa umwi, nywebo amwaambe bubotu kuli mbabo. Amu kalangilile nzila bubotu loko mbo buboola kuli ndinywe mpawo. Mwabona? Mbo mbubo. Amubweedezye bubotu ku bubi lyoonse, luyandisyo ku kusulaika. Elyo buyo . . .

³⁸ Sa ulimvwa kabotu, oyandwa, musimbi muniini kusule? Eco ncibotu. Nda lumba loko. Inzya. Ka joka buyo. . . Waa kabikkidwe kubili kusule okuya mu cikama, alimwi Mwami Jesu wa muleta lino a kumutondezya ku muswaangano. Tuli lumbide kapati kuli ceeco. Eco Nce siila cikambaukilo, ziindi zisyoonto zyainda. Kati baka “komba a kukomba, tiiba kakonzya kuzwidilila ku Mwami.”

³⁹ Lino, amube masimpe kucita ceeco. Amulisyomezye nobeni, kuli Leza. “Leza, ku luzyalo Lwako, nce ncico Nceyo cita.” Ta kukwe makani cindi umwi aamba bubi; kojosya bubotu. Uta yeeyi bubi. Ikuti na wa yeeya bubi, nkokuti ucaamba buyo mu kuupaupa, mpawo—mpawo—mpawo uli lubide. Yebo ula zumanana buyo kulisalazya lwako kuli Leza kusikila walimvwa

kabotu ncobeni ku muntu oyo. Eyo nje nzila yakucicita. Mpawo bubotu bwa zilongezuyo zya Leza buyo, oh, ciyo vumba buntu bwako. Eyo nje nzila yakupona cakuzunda, mpawo taakwe cikonzya ku kunyonganya kufumbwa kuti koli mu luyando. Ee, yebo wati . . . Mwabona?

⁴⁰ “Ikuti na uli jisi myaambo, iyo mana. Elyo ikuti na uli jisi busongo, buyo yabaala. Zisinsime, ziyo kakilwa. Pele cindi wano jisi luyandisyo, luyo kkalilila kwa lyonse.” Mwabona?

⁴¹ Alimwi uta yandi biyo abo bata kuyanda, pele koba yanda abo taba kuyandi. Nkambo, ncitete kuli ndime kuyanda muntu uli oonse oyo undiyanda, pele kusola kuyanda muntuumwi oyo uta kuyandi. Awo mpempawo mpo konzya kusoleka naa uli Munakristo, na pe. Muntuumwi oyo uta kuyandi, elyo nekubaboobo, mu moyo wako, ula bayanda. Lino, ikuti na to citi ceeco, mpawo ko zumanana buyo kujatilila kuli Leza. Nko cili, nkaambo Ndili cizyi kuti nca Bwini. Ameni. Ndili cizyi kuti nca Bwini.

⁴² Lino tuyu jula Ijwi liyandisi, eno, ku Bbuku lya ba Hebrayo, a capita 11, buyo ya i—i Mulumbe mufwaafwi.

Mukuba jwi liniini lyaangide, pele Nda jisi masikati mabotu a bakwesu a bacizi. Elyo taakwe nenjila kusikila kutandila sikisi okuloko. Elyo Nda kazuzila buyo mu kaanda a kufugama ku lubazu lwa bulo, ku kaanda kabulo, a kukumbela kwa kaindi kaniini. Ka nyamuka, a kubweza Bbaibbele lyangu a katalika kubala. Elyo Nda kabona magazini kaibikkidwe alya, nkabela Nda kaibweza. Elyo caka lembwa mu bana Afrikaani, aboobo tii Nda kakonzya kubala eco.

⁴³ Elyo ziindizimwi, mu kubala, muyo uma ijwi, nkabela eelyo ijwi lyaba lyuuni kuli ndinywe. Eyo nje nzila mukutausi mbwa jana wakwe, mulumbe wakwe. Katalika buyo kubala, kubala Bbaibbele, cintucimwi. Cintu citaanzi mulizi, wauma cintucimwi, mpawo cintucimwi cilayungizigwa ku cintucimwi eco, cintucimwi cilayungizigwa kuli eco cintucimwi. Mpawo, ceengele, nkabela koya buyo ku cikambaukilo a kucibala. Leza uyo cita zimwi zyaco. Mwabona? Uyo zibamba zya caala.

⁴⁴ Lino, ziindizimwi ula bwezegwa maningi, mane ubambe miyeeyo niini ya ceeco, bulembo buniini bwa mizeezo njo kayeeya. Ziindizimwi mu muswaangano, oko nkoelede kusika cakufwambaana ku cibumbili, kuti, kubala buyo miyeeyo misyoonto eyo njo kajisi, akube kuti Muuya Uusalala uka baponosye alubo. Kacita eco ziindi zinji.

⁴⁵ Lino ba Hebrayo 11, atu bale kampango ka 1, katalikila, alimwi tuyu bala tumpango tusyoonto tukubwene.

Lino lusyomo ncintu ca zintu zilangilwa, citondezyo ca zintu zitalibonyi.

Nkambo kuli ndulo basikale baka jana bulunguluzi bubotu.

Ku lusyomo tula mvwisya kuti manyika aka pangwa buyo ku ijwi lya Leza, kutegwa zintu zibonwe teezya kalengwa ku zintu zilibonya.

⁴⁶ Sa eco tacivubide? Andi bale kampango ako ka 3 alubo. Amuswiilile kabotu:

Ku lusyomo tula mvwisya kuti manyika aka pangwa buyo ku ijwi lya Leza, kutegwa zintu zilibonya teezya kalengwa ku zintu zilibonya. (Ndi Ijwi lya Leza.)

Ku lusyomo Abela wakatuula kuli Leza cituuzyo cibotu kwiinda ca Kaini, kwiinda kuli ceeco nca kajana bumboni kuti wa kali mululami, Leza kapa bumboni ku zipego zyakwe: alimwi kwiinda kuli ncico . . . mu kufwa nekubaboobo wa kaamba.

Ku lusyomo Enoki wakatolwa kujulu kuti ta keelede kubona lufu alimwi taka janwa, nkaambo Leza . . . waka mutola: nkambo kakutanaba busanduluzi bwakwe wa kajisi bumboni, kuti wa kabotela Leza. (myaka ili myaanda yosanwe ya buumi, ayalo.)

Pele kakutakwe lusyomo nciyumu kubotezya nguwe: nkambo oyo uboola kuli Leza weelede kusyoma kuti mpali, alimwi kuti ngu sikupa bulumbu bwa baabo bamuyandaula mu moyo wabo oonse.

Ku lusyomo Nowa, muku cenjezegwa a Leza ku zintu zyakatalina libonya, wakeenda a kuyoowa, kabamba bwaato ku kuvuna ng'anda yakwe; kwinda . . . kwalo wa katapatila inyika, a kuba swaana wa . . . bululami obo busika kwinda—kwinda ku lusyomo.

⁴⁷ Lino atu kombe kwa kaindi kaniini, a kukotamika mitwe yesu.

⁴⁸ Mwami, Leza wesu Siluzyalo loko a Taata, twa boola lino mu Busyu Bwako alubo, a kupa kulumba. Elyo kutali biyo kuti tuli mu kulimvwa lino kuti tuli mu Busyu Bwako nkaambo kakuti twa kotamika mitwe yesu ku komba, pele tula syoma kuti tuli mu Busyu Bwako cakuzumanana, nkaambo, kuti, “Imeso aa Mwami alaenda konse akoonse mu nyika.” Elyo Uli zyi zintu zyoonse, alimwi Uli zyi miyeeyo ya moyo.

⁴⁹ Nkikaako, Mwami, kaambo nco tukotamika mitwe yesu, nkulomba nkumbizyo eyi, kuti Uyo tujatila ku nsotoko zyesu zyoonse a milandu yesu kuli Nduwe, alimwi kuti luse Lwako alubo luyungizigwe kuli ndiswe, cakuti Ula jula milomo yesu kuti tukanane, a matwi esu kumvwa, alimwi kuti Ijwi Lyako inga lyaba kasimpe kuli ndiswe, sunumasiku; kuti tumpango otu tusyoono nto twa kasala kubala inga twaba lugwasyo lupati ku cizo coonse ca Mubili Wako wamakani aasisidwe aa

nyika, Mbungano Yako ya kumuuya, i Mbungano ya Mutaanzi kuzyalwa, eyo Mbungano yakaulwa kwiinda ku Bulowa bwa Jesu, yaka washigwa alimwi aku salazigwa, alimwi uyo tuulwa kuli Leza obo Buzuba, kakutakwe kampenda na kaimba. Obo mbotu Ku lumba, kuba a lusyomo lwa kusyoma kuti tuli basizyaabilo zya bubotu obu bwa Leza, kwiinda mu bululami a luse lwa Mwami wesu Jesu!

⁵⁰ Kukomba lino kuti Uyo ponya malwazi oonse. Kulumba Nduwe kukuguma oyo musimbi muniini ciindi cisyoonto cazwa kwinda, kalede cakupetwa mu kaanda omuya, kuzwa kukucisa; ku mubona keenda kuzwa, olo lusyomo luniini lwabwana, aku Kuzumina a luse Lwako. Elyo twa Ku lumba kuli ceeci; a kupaila kuti Uya kumwiibaluka mwana uyandwa wa Mucizi Baker omuya mu Kentucky, a bamwi Mukwesu Neville mbaamba, alimwi, O Leza, cilabba ca batabaliki bacisidwe, kulikonse. Elyo kapati, Mwami, abo batana futulwa a kutana Ku ziba; ikuti na beelede kufwa mu zibi zyabo, taba kakonzyi kusika awo Mpo bede.

⁵¹ Twa komba kuti Uyo tupa bumboni a nguzu, acamba kukanana Ijwi, a busongo bwa kuziba cindi caku Lya amba. Elyo mpawo kanana kuli ndiswe cindi twaamba kunji, kutegwa tuzwe akusiya bantu mu kugambwa, kulibuzya, kwa Muuya Uusalala mulemu a mulimo Wakwe. Ko cipa, Mwami. Kotu swiilila lino, twa komba, mu Zina lya Jesu twa cilomba. Amen.

⁵² Ndi yanda kukanana kwa ciindi cisyoonto aa ciiyo ca “magano.” Tula yiisigwa kuti muntu wakunyama ujisi magano osanwe. Elyo ayo magano osanwe ayendelezya akwe—akwe. . . Na kupa. . . Leza waka mupa magano osanwe aya, kuti kakwaba muunzi wakwe waansi. Elyo magano ayo a zibwa mbuli: kubona, kulabila, kwaampa, kununkizya, kumvwa. Ayo magano osanwe, akazibwa ku muntu wakunyama, nkabela alo mabotu. Elyo ta tukonzyi kubeleka, na kupona buumi buli kabotu, cindi limwi lya magano aya lya kakilwa kucita. Kukubona kwako, kumvwa, kulimvwa, kununkizya, na kulabila, ta tukonzyi kuba kabotu kakutakwe ngawo. Kuli cintu cimwi citako, cibeela cimwi ca buumi eco nco tu takonzyi kukwaba, kakutakwe gano eelyo kubeleka. Elyo alo mabotu. Elyo bayandika kubelesya. Elyo akapegwa kuli ndiswe a Leza.

⁵³ Leza wakapa magano ayo, pele ala pegwa kuli nduwe mbuli cipego. Elyo ciyaamina anzila yebo, oko nkwaaba magano aya ku, iyooba nzila buumi bwako mbobu noendelezegwa, nzila mbopa magano ako osanwe. Uli. . . Cintu nco bona, cintu nco mvwa, cintu ncolabila, kununkizya, na kwaampa. Kufumbwa kucintu ayo magano nkwapedwe, ayo kulela.

⁵⁴ Elyo tuli lumbide kuli Leza kuti tu jisi magano osanwe. Pele alo magano aya osanwe takapegwa pee, kuli nduwe, ku kweenzya. Aka pegwa kuli nduwe ku kukwaba zyaansi.

Pele kwa kapegwa kuyeeya kwa cisambomwe, alimwi, eelyo gano lya cisambomwe, lizulilwa buyo ku Munakristo. Elyo to konzyi kuba a kuyeeya oku kwa cisambomwe kusikila waba Munakristo; ni nzili ilikke njo konzya kusola kuba alimbi kunze lya magano osanwe akunyama ku muntu wakunyama. Pele, gano lya cisambomwe lilazibwa kabotu, ku Munakristo, mbuli lusyomo. Ndeli kwendelezya a ku kweenzya, alimwi lilainda kapati kuli onse magano ambi. Lilainda kapati ku magano onse, ambi, magano osanwe.

⁵⁵ Lino, inga tii Nda amba eco nkaambo tula tambula kuyeeya kwa cisambomwe kuti magano osanwe taacigwasyi limbi. Iiyi, mbwa babede. Ayo magano osanwe aka pegwa kuli nduwe kwiinda kuli Leza, alimwi ala belesegwa. Pele cindi magano osanwe apandulula bwiimpene ku Ijwi lya Leza, mpawo ala beja.

⁵⁶ Lino, gano lya cisambomwe tali konzyi kubeja. Ndi gano bbotu kapati. Alimwi eelyo Nde yanda kubandika. Ecinu cifumo Nda kanana aa: *Ii Citontezyo Ciinda*. Elyo sumumasiku aa: *Ii Gano Liinda*.

⁵⁷ Alimwi gano liinda loko i Muuya Uusalala, lusyomo lwa Leza olo lukkala muli nduwe. Elyo ikuti na walekela magano osanwe kwaabwa ku gano lya cisambomwe, liyo kweenzya aku leta ku magano ambi osanwe kubwendelezi bwa gano eelyo liinda. Nkambo lilaatala loko ku gano lya kunyama, mbuli muntu simuuya mbwali atala kuli sinyama. Lili kulaale mbuli, atala mbuli majulu mbwabede, aajulu lya muntu sinyama a magano akwe osanwe. Ci kubamba kusyoma zintu nzo takonzyi kubona. Li kubamba kulilemeka awo mpota yeeyi kuti magano osanwe inga sola ku ciyeeya. I dyabulosi inga wanjila mu magano aya osanwe a kubeja kuli nduwe, pele takonzyi kuguma gano eelyo liinda. Oko nkwiindilila kusikwa kwakwe. Elyo lizwa kwa Leza. Litegwa lusyomo. Lusyomo nceeco cintu cipati.

⁵⁸ Alimwi magano osanwe taendelezyi gano lya cisambomwe, pele gano lya cisambomwe ngu endelezya magano aali osanwe. I gano liinda lyeendelezya magano aa kunyama. Alimwi i—i magano osanwe a bona, kulabila, kwaampa, kununkizya, kumvwa. Alimwi eli gano liinda ncintucimwi ciyo kubamba kusyoma Ijwi lya Leza, nkambo eco nce cintu cilikke ncoliya ku kanana. Ciyo kubamba kusyoma zintu nzo takonzyi kubona, kulabila, kwaampa, kununkizya, na kumvwa, nkaambo ciyo bweza Ijwi lya Leza. Elyo liya kuleta Ijwi eelyo kuli ndinywe, a kumubamba kweenda kwiimpana ku cintu cimbi cili coonse ciliko pele Ijwi lya Leza, ku lusyomo. Lusyomo lula cicita.

⁵⁹ Lino, mu kupa bupanduluzi obu, bwa magano, muntu wakunyama wazyalwa a magano aya, aboobo alo magano osanwe apegwa cakunyama. Elyo nce cintu luzutu nca yosola kuziba kujatikizya ncico, mu kuyeeya kwakwe kwabupampu. Ula konzya buyo kuyeeya mbuli muntu. Ula konzya kubona

mbuli muntu. Ula konzya kumvwisya mbuli muntu. Ula konzya kumvwa mbuli muntu. Pele cindi aendelezegwa, na kulengululwa, na oko nko twiita kuti “kuzyalululwa,” mpawo eelyo lya cisambomwe, gano liinda lila mujata. Mu kucita boobo, eelyo gano liinda lila nyamwida mu kasena awo mpaba a lusyomo lwa kusyoma zintu nzya takonzyi kumvwa, zintu ezyo nzya takali kukonzya kubona, kumvwisya kuti taakali kukonzya kumvwisya. Ula cisyoma, nekuba, nkaambo weendelezegwa a gano eelyo lya cisambomwe, eelyo gano liinda. Oh, obo mbo cibotelezya ku ciziba, a kuyeeya obo mbocili citete ku cisyoma!

⁶⁰ Lino, to konzyi ku cisyoma kusikila wa zyalululwa. I Bbaibbele lya kaamba kuti, “Taakwe muntu ukonzya kwiita Jesu kuti Kristo, cita biyo ku Muuya Uusalala.” Twa kainda muli eco, eyi mvwiki yainda. Elyo cali cilebyo cili boobo, kapati ku bantu basyoma Pentekoste, cindi bandimvwa kwaamba ceeco. Jesu wakati, mu Musalali Johane 5:24, “Oyo uumvwa Ijwi Lyangu, a kusyoma aali Nguwe waka Ndi tuma, ujisi Buumi Butamani.” Buumi Butamani buzwa kuli Leza, alikke. “Elyo taakwe muntu ukonzya kwaamba kuti Jesu ngu Kristo, cita biyo ku Muuya Uusalala.”

⁶¹ Yebo utola buyo eco muntu umwi umbi nca kaamba, eco nco kaiya kwiinda ku bupampu, eco nco kaiya kunyama, magano osanwe. Pele cindi gano lya cisambomwe lya njila, Muuya Uusalala, Ci lagwisya koonse kubuzyabuzya kwa magano aya ali cisambomwe alimwi. . . magano osanwe. A ku kusumpwida mu gano eelyo lya cisambomwe, ku kubamba kusyoma zintu nzo takonzyi kubona, kulabila, kulimvwa, kununkizya, na kumvwa. Licita cintucimwi kuli ndinywe! Mpawo mula konzya kwaamba kuti Jesu ngu Kristo, nkaambo mwa kacipa bumboni. Kutali kuyiisya kwa bupampu nko kwaka kuyiisya, pele eco caka kucitikila!

⁶² “Ino gano lya cisambomwe ndya kucita nzi mpawo, Mukwesu Branham? Nkaambonzi gano lya cisambomwe nco lisikila?”

⁶³ I gano lya cisambomwe liboolela kaambo aka. Lino, gano lya cisambomwe ndusyomo, gano liinda. Lino ikuti. . . I gano lya cisambomwe lya kaboolela kaambo aka luzutu, oyo wakali, kubamba magano osanwe muli nduwe kukaka kufumbwa cintu ciimpene ku Ijwi lya Leza. Obo mbo bukanze bwa gano lya cisambomwe. I Lugwalo lu kanana “kusowela ansi kubuzyabuzya.”

⁶⁴ I—i magano osanwe ayo, inga mwabuzya, “Ee, lino, nkaambonzi oyu muntu. . . Walo, nkaambonzi nco elede. . .?”

⁶⁵ Pele gano lya cisambomwe tali boni eco pe. Lila indilila loko kuli ndilyo! Lila atala maningi kwinda mbo libede, kusikila tali jisi nokuba kubuzyabuzya kumwi, pee, kuli ndilyo. “Tula cisyoma.” Cila indilila maningi ku cintu cili coonse eco magano

osanwe nca keelede kwaamba kujatikizya ncico. Lino amu libambile ku mulimo wa kuponya. Mwabona? “Tula cisyoma.” Yebo uleenda ku gano eelyo lya cisambomwe. Yebo ulakanana kwinda ku gano elyo lya cisambomwe. Yebo ulapona kwinda ku gano elyo lya cisambomwe. Yebo ulafwa kwinda ku gano elyo lya cisambomwe, a kubuka kwinda ku gano elyo lya cisambomwe. Eelyo gano liinda, cintucimwi cili muli nduwe, eco ciindene ku muntu wanyama mbwabede.

66 Muntu wakunyama ujisi biyo aya, alimwi ali kabotu kuti na kakonzya kuletwa kubweendelezyi bwa gano lya cisambomwe. Ikuti na mizeezo ya kunyama yaamba, bala Ijwi lya Leza, a kuti, “Eelyo ndi Ijwi lya Leza,” nku kanana Bwini. Pele ikuti na lilabala, akwaamba kuti, “Talili Ijwi lyonse ilya Leza.” Na—na, “Ca *kali* cintucimwi. Ca kali, ciindi cimwi, pele Talili obo eno.” Mpawo gano eelyo lya cisambomwe lila njila, a kwaamba, “Ngu mbobuca nguwenya, sunu, amuya myaaka.” Mwabona, olo ndo lwandaano.

67 Ako nkekaambo bantu banji loko nco baakakilwa kuponesegwa. Ba sola kuboola a muyeeyo wabupampu. Ba lati, “Oh, Ndi—Ndi cita *ceeci*, na Nda syoma *ceeci*, azimwi zimbi.”

68 Pele ikuti na gano eelyo lya cisambomwe lilaamba eco, nkokuti kwiina cintu ciyo sola kuba zunganya kuzwa ku gano lya cisambomwe. I gano lya cisambomwe lila boola, aa muntunsi, ku babamba kukaka kufumbwa cintu ciimpene ku Ijwi lya Leza. Zitondezyo zyoonse, zitondezyo zimwi ziimpene ku cisyomezyo ca Leza, gano lya cisambomwe lyaamba kuti taciko pe, ikuti na Munakristo oyo wakazyalululwa.

69 Alimwi cintu citaanzi mulizi, sikutasyoma bukombi kuba bwini, uutali muzumini, waba akati ka Banakristo, a kuti, “Lino langa awa, takukwe cintu cili boobo mbuli Muuya Uusalala oyo. Wa lubila buyo, muli ceeco. Uli nyongene, ikuti na usyoma zintu zili boobo mbuli Ceeco. Takukwe cintu cili boobo mbuli Ncico.”

Eelyo gano lya cisambomwe lilainka nkoonya kugama ku mulimo.

70 “Andi mutondezye, mu Bbaibbele, awo mpo takonzyi kutambula Muuya Uusalala. Nywebo mwabona, inga Nda tondezya awa awo basikwiiya mpoba ka Utambula, pele—pele Ndi. . .”

71 “Ee,” yebo wati, “langa,” elyo gano lya cisambomwe liyo kutondekela atala, kwaamba, “pele Wa kati, ‘I cisyomezyo cili kuli ndinywe, ku bana banu.’”

72 “Ee, eco cakaamba bana *babo* awo. Eco tii cakali kwamba ndinywe. Ta cili canu.”

⁷³ Pele gano eelyo lya cisambomwe lilizi kabotu. Nkaambonzi? Cili kale muli nduwe. Ba kamuka ku caamba. Mwaka Ci tambwide kale.

⁷⁴ Bantu abo bakaambaula, kuti, “Kwiina cintu cili boobo mbuli Muuya Uusalala,” tabazi eco nco baambaula.

⁷⁵ Mbuli mulombe, lomwe, kapala apele. Elyo waka buzigwa kuli sikutasyoma bukombi kuba bwini, kukazyanya, muswaangano. Wa kati, “Ino uyanda nzi? Ino uyanda nzi atala awa?”

⁷⁶ Wa kati, “Ndi yanda ku kubuzya mubuzyo,” kuciindi nakali kulya apele a kulibotelwa. Ii musyobo mubombe loko, waboneka mbuli muntu uusunda, a masusu akwe kalengelela kumeso akwe, a linyo lyomwe kalizwide, kumbele, alimwi kasamide jakete lya ovolosi lyakaindi lyaka jisi tombe. Wa kati, “Mubuzyo omwe buyo Ngwe yanda ku mubuzya.”

⁷⁷ Sikutasyoma kuba bukombi kuba bwini waka zwaa kwaamba, “Takukwe cintu cili boobo mbuli Leza. Konse nkulimvwa. Kuli bufuba kuli ncico, nku konse mbo cibede.”

⁷⁸ Elyo mulombe wakati, “Ndi yanda kukubuzya mubuzyo, munene. Sa eli apele ndibotu na lilapapa?”

Wa kati, “Mbobuti mbo Ndi zyi? Ta ndili mukulya.”

Wa kati, “Eco ncencico buyo nce Nda kayeeya,” kajokela ncobeni.

⁷⁹ Mbobuti mbo ziba, kakuli tona kulabila Mwami? Mbobuti mbo ziba, kakuli tona tambula Muuya Uusalala, naa Ngwa kasimpe na Tali obo? Mbobuti mbo ziba awo ali lusyomo a nguzu? Mbobuti mbo ziba kuti kwiina “lutangalo lutaambiki a kuzula kwa bulemu,” kakuli tona sola kulabila, ku cibona? I gano lya cisambomwe liku sololela kuli Ceeco. I gano lya cisambomwe lilungulula Ceeco kuli nduwe.

⁸⁰ Kwiina inguzu zyabupampu, pee, ziyo sola kuleta Ceeco kuli ndinywe. I inguzu zya bupampu ziyo buzya, a kwaamba, “Baa, nkulilemeka kwamizeezo. Ncintucimwi mu nzila *eyi*. Elyo nku limvwa, ku bantu.”

⁸¹ Pele cindi gano lya cisambomwe lya njila, lila kaka zintu ezyo zyoonse, akweenzya muntu cigaminina mu cambia ca Leza. “Oyo uboola kuli Leza weelede kusyoma kuti Mpali, alimwi ngu sikupa bulumbu bwa baabo ba Mu yandaula camoyo oonse.” Ku lusyomo! Ku lusyomo, Abrahamu! Ku lusyomo, Izaka! Ku lusyomo, Jakobo! Bonse ku lusyomo! Ndi gano lyacisambomwe li cicitu. Gano lya cisambomwe lila kaka zitondezyo zyoonse, zitondezyo zyoonse, kufumbwa cintu ciimpene ku Ijwi lya Leza, kulimvwa kuli koonse, kulimvwa.

⁸² Muntuumwi wati, “Oh, ee, Nda kakombelwa, pele Nse limvwi buyo kabotu.”

83 Gano lyacisambomwe inga tiilyaima zii kuli ceeco. Gano lyacisambomwe inga lyati, “Nku beja. Ndi limvwa kabotu. Ndiya bupona. Leza wakaamba obo, eco cacibamba. Ameni. Leza wakaamba obo.” Gano lyacisambomwe lilya biyo Ijwi lya Leza.

84 Eelyo gano liinda, li lainda, atala ku magano. Ndi gano mpati maningi. Lwalo ndusyomo. Ni nguzu zikopa a kweenzya. Ameni. Ncintucimwi eco cimubamba kucita zintu nzota kayeeya kuti inga wacita. Ndi gano lyacisambomwe, gano liinda.

85 Wa kombelwa. Atwaambe kuti ujisi—ujisi janza lyakalemana nkabela wa kombelwa, janza lyako, waboola atala alya alimwi wasyoma kuti Leza uyo kuponya. I mweembeli waku kombela, wa joka. I muntu mudaala wakunyama uyo amba ceeci, “To limvwi lwandaano luli loonse mu janza eelyo. Toli kabotu kwiinda mbo kabede lyonse.” Pele gano lya cisambomwe lila boola antoomwe, a kwaamba, “Obo mbubeji. Yebo waka kombelwa. Eco cila cibamba.” Ameni.

86 Mbuli mwanakazi wakaboola ku muswaangano wesu ciindi cimwi. Elyo waa kaboola ku muswaangano wesu, bobilo babo. Ba kakosola cibumbili. Ba kabona kutweluka. Bali banakazi bakali—bakali menedwe ncobeni. Boonse bakali Banakristo beni. Umwi wakayutuka, nkabela Muuya wakasika a kuti, “Yebo uciswa penzi lya mwida.”

Elyo busyu bwakwe bwa kabalama. Waa kati, “Obo mbwini.”

87 Elyo Muuya Uusalala wakaaamba kwinda muli ndime, wakati, “Elyo alo mausa. Aletwa a kuciswa kwa kulibilika. Wa kalangwa a dokotela umwi. Elyo wa kati tokali kukonzya . . . Elede ku, oh, wa kajisi kupandulwa, ku citenda.”

Waa kati, “Lyoonse ijwi lya ceeco ndya bwini.”

88 Elyo mpawo, mukubona kuti waa kali musyomi mulemu boobo, mpawo Lya kati, “Zina lyako ngu Muka *Boobu-a-boobu*. Yebo uzwa kuli *boobu-a-boobu*, alimwi obu busena buli *obu-a-obu*.”

Waa kati, “Obo mbwini.”

89 Ino cakali cinzi? I gano lya cisambomwe ku cijata. I gano lya cisambomwe a Muuya Uusalala bakaliimvwi ambali munsu. I Muuya Uusalala wakali kukanana, gano lya cisambomwe lyakali kwaamba “ameni.” Nceeco we. Cintucimwi ceelede kucitika.

90 Cindi Marta naka sika kuyo jana Jesu, elyo cindi na kati, “Mwami!” Amulangilile kuyeeya kwa cisambomwe. “Ikuti na Yebo nokaliko okuno, mukwesu nata kafwa, pele nekuba lino, kufumbwa Nco lomba Leza, Leza uyo cipa kuli Nduwe.” Ndeelyo gano lya cisambomwe.

91 Jesu waka likwela Mwini antoomwe, kati, “Ndime bubuke a Buumi. Oyo uusyoma muli Ndime, nekubakuti wakali fwide,

kwalo uyo pona. Kufumbwa oyo uupona alimwi uusyoma muli Ndime takafwi pe. Sa ula syoma obu?”

⁹² Ino uyo amba nzi, kubuzyabuzya? Ngooyo muntu uulede alya, kafwide, nkabela tuuka tula vunyungula muli nguwe.

⁹³ Pele Wa kazwaa kwiinda mu kwaamba kuti Wa kali bubuke a Buumi. Eelyo ndi Ijwi Iya Leza. Eelyo gano lyacisambomwe, kwiindilila kubambwa kwa dokotela, kwiindilila miyeeyo ya kubbutukizya kwasayaansi. Kazya koonse. Sampaula kubuzyabuzya koonse, a ku zisowela ansi. Nkaambonzi? Ci peda bumboni ku Ijwi Iya Leza. “NDIME. Ta ndili ‘Njo oba, Nda kali obo.’ NDIME eno. Ndime bubuke a Buumi,” i Muntu. “Oyo usyoma muli Ndime, nekubakuti wakali fwide, kwalo uyo pona. Elyo kufumbwa oyo uupona a kusyoma muli Ndime ta kafwi. Sena ula syoma obu?”

⁹⁴ Waa kati, “Inzya, Mwami,” gano Iya cisambomwe, “Nda syoma kuti Uli Mwana wa Leza oyo weeleda kuboola mu inyika.”

“Munyoko wako uyo buka alubo.” Oh, ma!

⁹⁵ Ku cuumbwe bakaunka. Balo bobilo, antoomwe, cintucimwi cakacita kucitika. Eelyo lyakali gano liinda, a Leza kaimvwi cakubako, cintucimwi cakacita kuba. I gano lyakali gano liinda, wakali Leza. Kwakali Cintucimwi cakali kwaambila Marta obo. Waa kali Mu bwene. Waa kali Mu zyi. Wa ka Mu ziba kuba nguonya Mesiya. Alimwi waa kalizi, ikuti na kali kukonzya biyo kusika kuli Nguwe, ikuti na kali kukonzya biyo kuswena kuli Nguwe akupa kaambo, kumvwa buyo cisyomezyo komwe cizwa kuli Nguwe. Nku koonse nkwakali kuyanda. Cindi Na kati, “Ndime bubuke a Buumi! Oyo usyoma muli Ndime, nekubakuti wa kali fwide,” nku koonse Marta nkwakali kuyanda kumvwa, koonse nkwa kali kuyanda. Nkaambo, gano lyacisambomwe, gano liinda, lusyomo lwakwe, lwakali kumweenzya ku Mwa amba, ku Mu syoma.

⁹⁶ Oyu mwanakazi, cindi nakazwa aa cibumbili, wakali MBUBOBU MBWAAMBA I MWAMI. “Koya ku muunzi a kuyoolya. Jesu Kristo wakubamba kuba kabotu.” Waa kaunka ku muunzi.

⁹⁷ Busiku obo, mweenzinyina wakwe, kapona mu masena aengelede, wakali watatu na wane kunze lyakwe. Alimwi waa kajisi cikoto cipati ku nsingo yakwe. Alimwi ngooyu wasika, kaboteledwe konse kujatikizya ceeci, simukobonyina wakali kuyo ponesegega ku zilonda ezyo zyaka mupenzya maningi. Aka kali kamwi ka myaanda ya twaambo, zyuulu zya mbabo. Alimwi eci cikoto cipati kacidukumene a nsingo yakwe, nkabela waa boola. Nda kati, “Taakwe muntu wakalino konzya kuziba ceeco, pele uli kkomene kujatikizya cintucimwi. Wa kabotelwa, nkaambo mwanakazi oyo uukkede kutala kuya ngu simukobo nyokwe.” Muuya Uusalala!

98 Waa kayeeya, “Mbobuti mu inyika muntu ulya mbwa konzya kuziba ceeco? Ceelede kuba Cintucimwi ca kuciyubununa kuli nguwe.”

99 Aboobo cindi eco nicakaambidwe, Ca kati, “Yebo uyeeya makani aa nsingo yako.”

“Iyi.”

“Sena ula syoma kuti ciyozwa?”

“Nda cisyoma,” waa kati, “a moyo wangu oonse.”

100 Nda kati, “MBUBOBU MBWAAMBA I MWAMI. Koya ku muunzi nkabela uyo tambula kuponesegwa kwako.”

101 I muntu wakunyama wakalanga koonse nkabela takonzyi kubona citondezyo. I mwanakazi ujisi cilonda wakaunka ku muunzi a kusola kulya, alimwi, ma, waa kayanda kufwa. Oh, muntu wakunyama, gano lya kunyama lyakulimvwa lyaka ciliungulula mausa alya.

102 Aboobo mvwiki na zybilo zyainda, waa kaina mu masena aengelede, ku bantu bakwe boonse mu mbungano, kapa bumboni, “I Mwami wandiponya.”

Elyo ba kati, “Sena ulalya lino?”

103 “Peepe, kutali ncobeni zintuzyonse Nze yanda. Pele,” waa kati, “Nda kaponesegwa kale, nkambo kwiinda ku mibunda Yakwe Nda ponesegwa.” Takukwe makani obo mbo cakabede, waa kaponesegwa, nekuba.

104 Elyo cifumo cimwi, bana bakaunka ku cikolo, nkabela waa kafwa nzala ncobeni. Waa kaliimvwi, kasanzya mitiba, kwiinda ku mpulungwido. Waa kaboola ku muswaangano, muswaangano umbi kutandila mwaka nikwa kamana. Elyo waa kali kusanzya midisi, alimwi cindi walo, cintu citaanzi, waa kamvwa kulimvwa kweenzu kwa kamuvumpa. Elyo waa kayeeya, “Cakali cinzi eco? Kalimvwa mbuli kuti Nda kali kuyanda kukwiila.”

105 Elyo mulumi wakwe waka mwaambila, kati, “Oyandwa, waleka kwaambaula makani aa kuponesegwa oko,” kati, “nkaambo,” nekubakuti wakali Munakristo, kati, “uli mukuleta sampu ku Kaambo.”

106 Mbobuti mbo konzya kuleta sampu kakuli uli mukulungulula ku Ijwi Lyakwe? Uyo leta sampu ikuti na to Li peda bumboni.

Kati, “Ikuti na wakaponesegwa, wa kaponesegwa.”

107 Waa kati, “Oyo mwaalumi wakaima a kundilanga mu liso, a kundaambila ziimo zyangu a zintu ezyo nze Nda kacita, a kuti Nda kalini, alimwi oko Nkwe kazwida.” Waa kati, “Tii ndakali mu buyake maminiti aali kkumi aosanwe, cindi na kasika ku cibumbili. Mbobuti mu inyika muntu oyu mbwa konzya kuziba ceeco? Nse na mubona mu buumi bwangu. Elyo wa kandaambila kuti, ‘MBUBOBU MBWAAMBA I MWAMI.

Yebo waponese gwa.” Elyo waa kati, “Ndiyo cisyoma kusikila Nda fwa.” Waa kati, “Ndiyo cisyoma, nekuba.” Aboobo, walo, a mucizi wakwe kuni lyakwe, mweenzuma, kajisi cipangano kuli Leza, kuti bayo jatilila lusyomo olo.

¹⁰⁸ Cifumo eco, waa kalimvwa bweenzu loko. Elyo, maminiti masyoonto, waa kafwa nzala. Aboobo bana baka siide maoti mu ndido, mudisi muniini; akuti maoti lyoonse akali kumuumpa. Ikuti na umwi wakasola kuba a mausa, ulizi obo mbwabede. Aboobo waa kateka akulya kusyonto kwa maoti ayo. “Oh, ma,” waa kati, “Nde elede kuyo cibbadelela, Nda yeeyela, pele bumwi bwa mazuba aya Njo oba kabotu.” Pele wakabona kuti waa kacfifwide nzala, aboobo wa kamanizya mudisi onse. Waa kalindila maminiti masyoonto, kubona eco cakacitika. Taakwe cintu cakacitika; kamvwa kabotu, kacififwide nzala. Waa kanga maji masyonto, akutila nkapu yakwe ya kkofi, akujana tunkwa tuyokedwe, nkabela waka jisi jubbili yakwe ncobeni. Waa kalya buyo koonse nkwakali kukonzya kulya. Waa kazumanana, kusanzya mitiba. Elyo kutandila cisela ca oora nikwakamana, waa kafwide nzala alubo. Taakwe kubeleka kubi.

¹⁰⁹ Waa kasama ngowani yakwe niini, a kuselemuka kagwagwa waa kanjila, mu ng’anda ya simukobo oyu. Elyo cindi nakasika okuya, waa kamvwa, waa kayeeya kuti kwakali lufu ndiza mu mukwasyi. Ba kali kukwiila, a koongolola, a kweenda koonse. I mwanakazi wakali lede cifumo eco, a kubuka, kayandaula kakomeneno ako kakali mu nsingo yakwe, alimwi caka zimaana mucindi ca masiku. Ino cakali cinzi? Leza ku mulimo.

¹¹⁰ Kutala kuno ku Cikombelo ca Cadle, cindi nitwa kajisi muswaangano oyo. Mulombe oyo mulema waka njila muya, waka kombelwa. Bunji bwanu mwaliko okuya kuyo mubona. Ba kamujosya mu kaanda ako ka cibukilambuta. Billy waka ndisololela kuli nguwe. Ba kali mujisi aa cibumbili kwa masiku otatwe na one, na aa i . . . mu buyake. Ta kajana kkaadi lya mipailo, aboobo baka mubikka mu kaanda ka cilukilambuta. Nda kanjila omuya a kumu kombela. Waka mulanga. Wa kati, “Ba. Branham, sa inga mwa ndaambila kuumbulizigwa kumwi?”

Nda kati, “Iyi, munene, mulombe. Poliyo waka kujata nzila eyi.”

Wa kati, “Mbo mbubo.”

¹¹¹ Nda kati, “Zina lyako ngu *boobu-a-boobu*. Yebo uzwa ku busena bumwi.”

“Mbo mbubo,” wa kaamba. Wa kati, “Ino kujatikizya kuponesegwa kwangu?”

Nda kati, “Kwiinda ku mibunda Yakwe mwa kaponesegwa.”

¹¹² Wa kaunka ku muunzi, kalungulula, kupa kulumbaizya Leza. Elyo wa kaleta sampu lili boobo, ba taminina, mu masena aengelede, kusikila Munsondo imwi nkamu ya bakutausi ya njila

a kukkala aansu muni lyakwe, a kuti, “We elede kwiima kucita ceeco. Uli mukuleta sampu ku Kaambo.”

¹¹³ Elyo mwaalumi mukubusyi kakkede awo, kati, “Badaala, ikuti na wali kkedede awo Mpe bedede, ikuti na wakali mu cuuno omo Mwe kkedede, inga tosola kundi bbida bulangizi bwamamanino Mbwe jisi, muli Kristo.” Kati, “Kwiinda ku mibunda Yakwe Nda ponesegwa.” Elyo ta kacili kwaamba kuti. . . Kakkede alya, kalebukide matende, maanza, mubili, kusule. Elyo mbwa kaambila buyo eco, a kuzwa mu cuuno wa kaunka, kalemya Leza.

¹¹⁴ Inzi? Magano aakwe aakunyama akaamba kuti uyo kkala kuya; dokotela wakati uyooba alya kwalyonse, na kufumbwa kuti kaponi. Pele gano lya cisambomwe lilati, “Kwiinda ku mibunda Yakwe Nda ponesegwa.” Elyo ta kaba acintu cakucita. . . Nkusowa zintuzyonse ziimpene kuli ceeco Leza nca kaamba. Obo mbo bukanze bwa gano lyacisambomwe.

¹¹⁵ Mudaala John Rhyn, kutali R-y-a-n, na R-h-y-n. Oyo wakali mukumbizi moofu mu Fort Wayne, okuya oko nko twa kaunka buzuba obo nkabela waka kombelwa ku muswaangano. Obo bwakali busiku kabutana kuuma piyaano, “I Musilisi mupati uli muni lino,” kakutakwe umwi kuli ncico. Elyo cindi na kali moofu, wa kali muna Katolika, ku lusyomo. Elyo wa—wa kaima mu mundando, nkabela Nda kamulanga. Elyo Nda kati, “Zina lyako ngu *boobu-a-boobu*, John Rhyn.”

“Iyi.”

“Uli mukumbizi ku kkona. Wa kali moofu, kwa myaka.”

“Iyi. Mbo mbubo.”

“Uli muna Katolika, ku lusyomo.”

“Mbo mbubo.”

¹¹⁶ Nda kati, “MBUBOBU MBWAAMBA I MWAMI. Yebo ulatambula kuponesegwa kwako.”

Kati, “Ndaku lumba, munene.”

Nda kati, “Alumbwe Mwami.”

Wa kati, “Pele Nse konzyi kubona.”

Nda kati, “Eco tacikwe cintu cakucita a ncico. Wa kaponesegwa.” Elyo wa kati. . .

¹¹⁷ Wa kaselemuka, ambali. Ba kamugwasya kuzwa aa cibumbili. I muntu wakunyama takali kukonzya kubona cintu. Tiiba kakonzya kubona micelo kuzwa kuli ceeco, pee. “Baa,” kati, “walo moofu buyo mbuli mbwa kabede lyonse.”

¹¹⁸ Aboobo bobilo beenzuma bakwe baka mujosya a kumu bikka mu mundando wa mipailo alubo, aku muzuzila kwinda alubo. Howard waka mulekela kwiindamo. Cindi na ka jokela alubo, wa kati, “Munene, wa kandaambila kuti Nda kaponesegwa.” Nda kati, “Yebo wa ndaambila kuti waka ndisyoma.”

119 Wa kati, “Nda kusyoma. Nse jisi twaambo twa kuta kusyoma.” Kati, “Wa ndaambila zintu zyoonse mu buumi bwangu.” Elyo wa kati, “Ta ndizi cakucita.” Kati, “Kwakali mwanakazi kusule okuya, kapa bumboni. Alimwi waka jisi cibozu, maminiti masyonto ainda, alimwi ca kazwa.”

120 Nda kati, “Mpawo, ikuti na ula ndisyoma, nkaambonzi nco ndibuzya? Ndi kwaambila Ijwi Iya Leza.”

121 Wa kati, “Ino Nde elede kucita nzi, munene?” Mukuziba kuti wakali muna Katolika, alimwi wakeelede kuba a cintucimwi cakunyama eco ncakali kukonzya kujatilila nkuko, Nda kati, “Amu zumanane buyo kupa bumboni, ‘Kwiinda ku mibunda Yakwe Nda ponesegwa,’ a ku Mu lumbaizya.”

122 I mudaala, kwa mvwiki zyobilo zicilila, na zyoatatwe, wa kaima ku kkona nkabela wa kasambala mapepa. Wa kali koongolola, “Akumbi! Akumbi! Alumbwe Mwami! Nda kaponesegwa! Akumbi! Akumbi! Alumbwe Mwami! Nda kaponesegwa!”

123 Cindi na kapiluka ku muswaangano busiku butobela, Nse kali kukonzya kukambauka, kuli nguwe. Wa kali kunga wanyamuna akongolola, “Nyoonse amuumune! Alumbwe Mwami, ku kundi ponya! Alumbwe Mwami, ku kundi ponya!” Mbuli muna Katolika, ta kazi nzila ya kutola lusyomo, pele uli zyi ikuti na wa kazumanana ku caamba, a kuzumanana, kuzumanana, kuzumanana, kusikila eelyo gano Iya cisambomwe Iyaka talika kubeleka. Mbo mbubo. “Alumbwe Mwami, ku kundiponya!”

124 Wa kaliimvwi ku kkona, kaongolola, “Alumbwe Mwami, ku kundiponya! Akumbi! Alumbwe Mwami, ku kundiponya!”

125 Elyo wakali kunga weenda kuselemuka kagwagwa. Elyo mbuli muntuumwi mbwa kaina mumsi, akuti, “Uli buti, John?”

126 “Alumbwe Mwami, ku ndiponya! Ncibotu.” Elyo baka museka, a kumu fubaazya.

127 Elyo mulombe umbi sikusambala mitende muniini waka musololela ku bbabbashopu, kuyo gelwa, kutandila mvwiki zyobilo na zyoatatwe kumane, kuzwa ku muswaangano. Elyo sikugela waka mubikka mu cuuno, a kuvumba busyu bwakwe. Elyo wa kati, “John,” wa kati, “Nda mvwisya . . .” Muntu miniini ulimvwa kuzibazyonse, elyo wa kati, “Nda mvwa kuti wakali kuselelo kuyo bona sikuponya wa Buleza cindi . . .” [Kabeela katakwe cintu aa teepu—Mul.] “. . .awa.”

Wa kati, “Iyi, Nda kaunka kuselelo.”

128 Wa kati, “Nda mvwisya kuti waka ponesegwa,” ku mu fubaazya buyo.

129 Elyo mudaala wakati, “Iyi. Alumbwe Mwami! Wa kandiponya!” Elyo meso akwe akajuka. Kuzwa mu cuuno eco ca bbabbashopu wa kaina, a tawelo kali munsingo yakwe.

I sikugela kasola ku mujata, a mbeli mu janza lyakwe, elyo kuselemuka kagwagwa bakaunka. Nkaambonzi? Ijwi lya Leza lyakali unkide ku kubeleka.

¹³⁰ Georgie Carter muniini kalede kunselelo okuya, kwalo nyoonse mulizi. Bantu bamwi nkobali, mumsi. Kali lede okuya kwa myaka ili fuka a myeezi ili lusele, konzyi akwalo cintu cimwi pele kukwela mulembo kungsi lyakwe, kuzwa kunsu a mala. Waa kali kulema mapaundi ali makumi otatwe aosanwe. Kalede kulaale ku Milltown, Indiana.

Elyo bantu bakwe bakali kuzulilwa ku mbungano eyo... Cindi Ne kaunka kuyo jatilila muswaangano okuya ku mbungano ya Baptisti yaku Milltown, a kukombela baciswa, eyo mbungano yakati, "Ikuti na kufumbwa cizo ca mbunga eyi ujanika kuli oyo sikwiindilizya, tuyo batanda." Elyo bawisi bakali daikona.

¹³¹ Pele waa kajisi bbuku lyangu liniini, litegwa, *Jesu I Mbobuca Nguwenya, Sunu, Amuya myaaka*. Mukwesu Hall waka nditola kuli nguwe, masikati amwi. Banyina baka zuzila kuzwa mu ng'anda, teeba kajisi cintu cakucita a ncico. Nda kanjila a kumu kombela. Kati, "Ee, mbuti kujatikizya musimbi ulya muna Nail?" Waa kali kunga waziba makani aa cilengaano.

¹³² Nda kati, "Eco cakali cilengaano, mucizi. Ndi konzya buyo kukomba. Uli jisi lusyomo." I cintu ciniini citakweankociya caka yiisigwa kucilwana.

¹³³ Mazuba masyoonto kuzwa kaindi, Nda kaliimvwi kutala kuya, nkebbizya. Waa kali kunselelo kuya, kalila. Kwalo, waa kasyomeya kuti uyo boola a kubbizigwa alubo, mu Zina lya Jesu Kristo, ikuti na Leza wa muponya buyo.

¹³⁴ Elyo awa, walo, mau lu akwe maniini akaindi akalikutandila musela wa kasamu ka cipeezyo. Tii bakali kukonzya nokuba kumubikka a cigabba cakuli gwasizya. Banyina bakwe, nekubakuti bakali banakazi bakubusyi, baka kkala alya, kabafumukide kuyuminina mubili, a mvwi kumutwe, kuzwa ku kulangilila mwana wakwe musimbi kalede awo, kafwa ku mainci. Kakweekwe wa magilandi abwanakazi, a kweenda lweendo lonse kwindu muli nguwe. Waa kali kulema mapaundi ali makumi otatwe aciloba, Ndi yeeya kuti mbo cakabede, baka mulwana. Takakonzya kumu nyamuna atala eni kumubikka aa cigabba cakuli gwasizya kungsi lyakwe. Kacita kukwela milembo kungsi lyakwe, umwi wa pulasitiki. Myaka ili fuka a myeezi iili lusele, waa kali lede awo, akwalo kutakonzya nokuba kubusya mutwe wakwe kubona musamu oyo wakali kwiinda mu mpulungwido.

¹³⁵ Buzuba bumwi, nkeimvwi kusule, atala lya mbali ya cilundu, kuli ya George Wright, Muuya Uusalala wakati kuli ndime, "Buka ku matende ako." Elyo Nda kalanga, elyo mpaawa kwakali Mumuni wakali kumwekela ansi kwindu mu samu

lisubila lyaka jisi mabberi. Kati, “Koya ku nzila yabana Wright. . .” Na, “Koya ku nzila yabana Carter.”

¹³⁶ Cindi Ne kasika okuya, Mwami Jesu waka tondezya banyina citondezyo cakuti Nda kali kuboola. Kanjila ku musimbi oyo wakaledede alya a bulo obo, kakompeme loko cakuti takali kukonzya nokuba kunyamuna nkapu akuwidila mate. Banyina bakalikunga bajatilila. Walo, “Uh,” kasola kuswida mu nkapu ya mate, ajisi TB. Nda kati, “Mucizi Georgie. Jesu Kristo, Mwana wa Leza, wakandi swaana kutala mu nkanda, kutandila cisela ca oora cakainda, a kundaambila kuboola kubikka maanza ali nduwe. MBUBOBU MBWAAMBA I MWAMI. Koimikila ku matende aako.”

¹³⁷ I gano lya cisambomwe lya kaunka ku ncito. Ii Nguzu zyakauma musimbi oyo. Ku ciindi citaanzi mu myaka yotatwe. . . na myaka ili fuka a—a myeezi ili lusele, nja kasola kuba aa matende akwe. Kasotokela ku matende akwe. Kazuzila mu mayaadi, a kuleleka masamu a bwizu, a zintuzyonse, a kunjila a kukkala aa piyaano, katalika kulizya, “Kuli Kasensa kazwide a Bulowa, buzwa ku nsinga ya Emanuele.”

Nkaambonzi? Kubuzyabuzya inga kwa sowela ansi. . .

¹³⁸ Ta kakonzya kucicita. Nse zyi lino. Nse kazibi. Cita biyo Nguzu zya Leza zyaka mujatilila. Maulu akwe takali mapati *obo* konse, atala awa amaswaanino; kwiina cintu mbuli ncico, mbuli buyo tusamu twa zipezyo. Eyo yakali myaka iili kkumi ayobile yakainda, na kkumi ayone, elyo sunu walo muyumu a wanseba mbotu, uuya ku Mwami Jesu.

¹³⁹ Cakali cinzi? I ciindi citaanzi, kwakanyina cintu cakaboneka kucitika, pele kubuzyabuzya nikwa kaamba kuti tii kwakakonzya kucitika. Pele, mukwesu, waa kajatilila ku Ijwi eelyo. Ikuti na Leza wakonzya kubweza musimbi oyo mulema, kutala kuya ku Salemu, ulya musimbi muna Nail, wakali lemene a kulebuka, a maboko akwe kalengelela ansi mbuli *boobo*, kali kukonzya kumuponya, Wa kali kukonzya kumuponya, awalo. Waa ka cisyoma.

¹⁴⁰ Mukwesu Hall, ukkede kutala, kafwa ku kkulenge. I muntu nguwenya wakanditola okuya. Dokotela wakwe, mu Milltown, waka mutumina kuli dokota oyu mu New Albany, kumusanza okuno, nkookuya ku Saint Edwards Hospital. Nda luba. . . Wa kaleta bana bangu; muntu mubotu, dokotela uli kabotu. Wa kamulangalanga. Kati, “Kkulenge.” Kati kuli Dokota Brown, kumusanza ku Milltown, kati, “Uli mukufwa.”

Dokota Brown wakati, “Nda kayeeya boobo.”

¹⁴¹ Kamutola kuli ya mucizi wakwe, anselelo awa, uli ii—ii ngwa cibbululu ca Ba. Kopp, wakali mubetesi mu dolopo. Elyo cindi naka sika kuselelo okuya, kati, “Komu bamba buyo okuno kusikila akafwe.”

142 Elyo baka nditumina kuti ndikaboole kunselelo. Nda kaunka, buzuba a buzuba, a mukaintu wangu, kusule okuya. Twa kakombela Mukwesu Hall. Nda kamuyanda. Wa kali umwi wa basanduki bangu kuli Kristo. Elyo wa kaciswa maningi, nkabela ta kali kukonzya kupusya maanza akwe.

Muka. Hall wakati, “Billy, sa kuli cintucimwi nco konzya kucita?”

143 Nda kati, “Taakwe cintu nce Ndi zyi, Mucizi Hall. Nse konzya kumvwa ijwi kuzwa ku Mwami. Tu jisi. . .” Nda kati, “Ndi yanda dokotela wangu ku mulanga.”

Kati, “Nguni dokotela wako?”

Nda kati, “Dokotela Sam Adair.”

144 Elyo Nda katumina Sam. Sam wakati, “Cintu biyo, inga Nda mutumina ku Louisville, Billy, wa ekisi reyi a zintu.” Kati, “Nda kupa bulunguluzi.” Ba katumina ambulensi kunselelo, kamu bweza, kamutola, kajoka.

145 Sam wakandi tumina luwaile, a kuti, “Billy, ujisi kkulenge lya muni. Ta tukonzya kutenda muni wakwe, a nguwe kupona.” Kati, “Walo mukambausi, we elede kuba kabotu lino. Inga akwalo wa mwaambila kuti uyo unka.”

146 Nda kati, “Uli libambilide kuunka, Sam. Pele, cintu ca ncico ncakuti, Nda bijilwa ku mubona buyo kuunka. Walo mukwesu wangu, alimwi Nda muyanda.”

Nda kayeeya, “O Leza, ndicitile cintucimwi.”

147 Nda katalika kuunka ku kuvwima basikaale, cifumo eco. Nda kalanga koonse, kakutanaba buzuba, kwiina muntu wakali mu lubuwa. Kabweza raifo yangu a kutalika kwiinda mu ng’anda. Kwakali apele lyaka boneka kugalankana lyakaindi kali lengelela aa bulambo. Nda kayeeya, “Nkaambonzi Meda nca kabikka eco aa bulambo?” Nda kalanga, elyo alimbi elyo alimbi, elyo alimbi mane ali cisambomwe kalengelela alya. Nda kakwela ngowani yangu a kuwida aa mazwi angu, aa cibuye. Kalanga mujulu okuya, elyo mpawo apele pati bbotu ncobeni lyaka seluka a kulya maapele ayo oonse. Nda kalanga, nkeimvwi atala alya, elyo ngooyi wakali Mumuni nguonya (kaulengelela aa cifoto eco kulaale) kaimvwi alya, kuzunguluka koonse. Kati, “Imikila ku matende ako. Koya, ukaambile Ba. Hall, ‘MBUBOBU MBWAAMBA I MWAMI, ta kafwi pe, pele kupona.’”

148 Nda kaselemuka a kumwaambila. Ta kali lwandaano luli loonse, pele wa ka cisyoma. Wa kajatilila kuli ncico. Kwakanyina lwandaano, lwakali kuboneka mbuli. I buzuba bwakainda, kwiina lwaandaano. I buzuba bwabili, kwiina lwaandano. Kutandila buzuba bwatatu, caka talika. Elyo ngooyu mpali, muumi sunu, kumane myaka a myaka.

149 Amubone, ukkede mpoonya awa, Muka. Weaver, ikuti na Nse lubizya, cindi mwana wakwe musimbi nakasika, kumane

kuponya kwa Margie Morgan, Nda kaunka kumselelo okuya, elyo kwakanyina cintu mwanakazi oyo ncakali kukonzya kucita, waa kali sikufwa mu maoora masyoonto aatobela. Ba kajisi nyeleti, na zybilo, bakali kukonzya kumupa, nkabela oko kwakali koonse. Ba kajisi kupandulwa kwa kubukaintu, kkulenge lya kanjide mu moongola wakwe wa boongo. Ba kali sabalanganya cindi niba kalipandula. Kwakanyina cintu cakucita ku mwanakazi. Nda kali kuyanda kwaambaula kuli nguwe kujatikizya kuponesegwa.

¹⁵⁰ Pele waa kati, “Munene, uli mukutausi wa Mwami Leza, alimwi Ta ndeleli kuti inga wasika mu ng’anda yangu.” Wakalibala kuteelela, ku mukutausi kuti asike. Waa kati, “Nda kaponu buumi. Nda kazyana. Elyo Nda kacita zintu ezyo nze Nda takeelede kucita. Nda ka belesya mwaambo mubi, na kufumbwa zimbi.” Waa kandaambila zibi zyakwe. Elyo waa kati, “Ta ndeleli kuli ncico.”

¹⁵¹ Nda kabona kauma antambo ini. Waa keelede kuleta Kristo mukati *omu*, kalitaninga elyo lyacisambomwe, gano liinda kusola kutalika kubeleka.

¹⁵² Twa kafugama ansi. Nda kaambaula kuli nguwe, kujatikizya, “Nekubakuti zibi zyako ziyoooba mbuli kusalalapyu.” Waa kapa buumi bwakwe ku Mwami Jesu Kristo. Elyo cindi na kacita, waa kati, “Oh, oh, Nda limvwa bwandeene loko. Cintucimwi cacitika kuli ndime. Cintucimwi ca ndicitikila. Ndi yanda kusukana maanza a ndinywe nyoonse.”

¹⁵³ Mpoonya buyo Nda kalanga aanze elyo Nda kamubona mu cilengaano, kajoka kunze lya ng’anda kuya ku cizangala ca nkuku. Nda kati, “Muka. Weaver, MBUBOBU MBWAAMBA I MWAMI LEZA, uyo bamba lweendo kuya ku cizangala eco ca nkuku, nkabela uyo pona.”

¹⁵⁴ Ta kakonzya kwiinda kunzila nja kalimvwa; kkulenge lyakali mulide. Ta kakonzya kwiinda kuli ceeco dokotela nca kaamba; waa kali kufwa. Elyo mbo cakabede, Nda yeeyela, myaka, ili footiini na fifitiini, Muka. Weaver? [Muka. Weaver waamba kuti, “Footiini.”—Mul.] Myaka iili footiini yakainda. Waa kazungana kusika kutala ku cikombelo eci cindi na kacisidwe, takali kuboneka mbuli kuti waa kali kukonzya kuzwa mu bulo, maboko maniini akaindi alibonya tufuwa, nkaambo waa kasyomezya Leza kuti uyo boola a kubapatizigwa mu Zina lya Jesu. Twa kamunyamuna kuzwa mu whiluceya, kutandila awo, cuuno, kamutola kumselelo mu ciziba a kumu bbizya mu Zina lya Jesu. Elyo ngooyo uli kkede, sunumasiku. Amu mulange, ikuti na muyanda kubona musyobo wa nseba ya buumi. Nkaambonzi? Kusowela ansi kubuzuyabuzya a kubbutukizya kwa sayaansi, a zintuzyonse zimbi, nkaambo gano lya cisambomwe lya kaunka ku ncito. Nce ncico.

155 Amulange, anda ambe ceeci, alubo, aniini buyo. Jesu wakainda muni lya cisamu, ciindi cimwi, nkabela cakali samu lya bukuyu. Elyo Wa kalanga musamu wa bukuyu. Lino, akaka, muta ciimpyi eci. Wa kalanga musamu wa bukuyi nkabela kwakanyina inkuyu ali nguwo. Elyo Wa kati...Wa katuka cisamu, a kuti, "Taakwe muntu uyoolya kuzwa kuli nduwe."

156 I basikwiiya bakalanga koonse; cisamu cakali kuboneka mbuli kuti cakacita lyoonse. Oora kuzwa eelyo, caka libonya mbubonya. Leza kwiina nakajula nyika a kwiimena. Leza takatuma ndabo ya mpanda kuzwa ku milengalenga a kuumpa kuba malasha. Na kacicita. Masimpe, Wa kali kukonzya. Ta kacita zintu ezyo.

157 Ncinzi cakacitika? I musamu waka singanisigwa. I lusyomo lwa Leza lwaka bikkwa ku buumi bwa musamu oyo. Kwakanyina cintu cakunyama nco kali kukonzya kubona. Pele kungsi kwini kwa nyika, kungsi lya miyanda ya cisamu, lufu lwakali kkede mukati. Lwa ka tukwa. I gano lya cisambomwe lyaka boola kucilwana. Ca keelede kufwa. Ca katalika kufwa, kuzwa ku miyanda.

158 Eco nce cintu nciconya cicitika ku kkulenge. Eco ncintu nciconya cicitika a cikoto. Eco nce cintu nciconya cicitika a bulwazi buli boonse, cindi gano lyacisambomwe ilya nguzu zya Mwami Leza ziyabuka kulwana ncico. Kati, "Saatani, kozwa awo." Inga tobona ciimo ca kunyama ku citika ndyoonya buyo, pele lusyomo olo lujisi kuya mbubonya buyo. Wa kasinganisigwa. Eelyo gano lyacisambomwe talikaciti, elyo gano liinda tali kacilekeli kuunka. Ta cikabikkili maanu obo mbo limvwa, obo mbo langa, obo mbo lilemeka. Ta lukabi a cintu comwe cakucita a ncico. Ijwi lya Leza lyabikkwa. I gano lyacisambomwe lya cijata. Kwa mana. Lya talika kubeleka; kkulenge lyatalika kupusama. Li lafwa kuzwa ku miyanda, nkabela lyamana. Masimpe.

159 Kwinda kuli eli gano ndyoonya lyacisambomwe ilyanguzu, mami akapwaika, kavumba bulambo bumwi kuli bumbi.

160 Kwiinda ku gano lya cisambomwe, Lwizi Lusalala lwakatonta kujoka, nkabela bulongo buyumu bwakabamba nzila ya bana ba Leza kuti bayo yobokela.

161 Kwinda kuli elyo gano ndyoonya lyacisambomwe, Samusoni wakasusya ba Filisti bali cuulu bakali bambide a zilwanyo a masumo. Ta kajisi nzila yaku likwabilila mwini, pele cifuwa camweebe wa kambongolo ka musokwe. Alimwi eelyo gano lyacisambomwe lyakabeleka, nkabela wa kazunda ba Filisti bali cuulu. Aleluya!

162 Kwiinda ku gano eli lya cisambomwe, bafu bakabusigwa. Kwiinda ku gano eli lya cisambomwe, maleele mapati aka citwa.

163 Ni nguzu zikali kapati zya kasola kuuma nyika, ndeelyo gano liinda, litegwa, gano lyacisambomwe. Tacikwe cintu cakucita

a *ceeci* anselelo awa. Ikuti na eci ansi awa cila citondezya, a kwaamba “ameni” kuli Ncico, ncibotu, uli mukweenda. Pele kakutakwe kulanganya eci nco cicita, amusyome *Ceeco*. Mpaawo nguzu, “ikuti na wasyoma mu moyo wako.” Gano lyako lyasanu, lya kuyeeya, lilede mu boongo bwako, pele gano lyako lya cisambomwe lili bikkidwe mu moyo wako. Ula syoma a moyo wako. Kulyaambilila kulabambwa ku mulomo. Ula syoma a moyo wako, iiyi, munene, eelyo gano lyacisambomwe, ezyo inguzu zikalii.

¹⁶⁴ Amuswiilile. Nkaambo ka gano eelyo lya cisambomwe, kwakali musinsimi waka sowelwa mu bulyango bwa balavu. Elyo nkaambo ka gano eelyo lya cisambomwe, balavu tiiba kakonzya kulya Daniele. Tiiba kakonzya. Tiiba kakonzya ku muswena, nkaambo ka gano eelyo lyacisambomwe, eelyo gano liinda.

¹⁶⁵ Kwiinda ku gano ndilyonya lya cisambomwe, bana ba Hebrayo botatwe baka sowelwa mu bbila lya mulilo, alimwi baka sampaula mabangabanga aa bbila. Gano lya cisambomwe! Kubuzyabuzya koonse inga kwatondezya kuti bayo umpwa ku lufu kabatana sika kuli ncico, pele gano eelyo lya cisambomwe lya kakkala mukati muya kwa maora obile na otatwe. Elyo cindi niba kajula bbila, baka bona Umwi kaimvwi akati kabo, mbuli Mwana wa Leza. Elyo ndi gano lyacisambomwe. Mililo tii yakaonzya kulyuumpa. Iiyi, munene.

¹⁶⁶ Lyakali gano ndilyonya lya cisambomwe, ciindi cimwi, kuti Muapostolo Petro wakali lede mu ntolongo, nkabela bakali kuunka kuyo gonka mutwe, buzuba butobela, kunselelo lyaku ng’anda ya Johane Marko nkoba kajisi muswaangano wa mipailo. Eelyo gano lya cisambomwe lyakatalika kuvula kuzunguluka eyo ntolongo, oko nkwa kavumbidwe ku mipailo. Eelyo gano lya cisambomwe lya kabeleka. I Musumpululu wa Mulilo wakasika mu mpulungwido a kuguma Petro, a kuti, “Ko boola, kozwa awa.” I gano lya cisambomwe!

¹⁶⁷ Lya kali elyo gano lyacisambomwe lya takalekela Musalali Paulo kunyikila mu lwizi olo lwanguzu, cindi obo bwaato buniini nibwa kazulwa menda. Lya kali gano lyacisambomwe lyaka kulesya kunyikila, eelyo gano liinda. Lya kali elyo gano lyacisambomwe, cakuti, cindi nzoka niya muluma ku janza, wa kaisansila mu mulilo. Lya kali gano lyacisambomwe lyakacita ceeco.

¹⁶⁸ Lyakali gano eelyo lya cisambomwe lyaka busya Jesu Kristo kuzwa ku bafu, Na kamana kulala mu bulongo, nkaambo Wa kasyoma Ijwi lya Leza. Kati, “Kunyonyoona mubili oyu, nkabela Njo ubusya alubo aa buzuba bwatatu. Nkambo Davida wakati, ‘Nse kasiyi Umwi Wangu Uusalala kubona kubola, naanka kuti Nka siye buntu Bwakwe mu gehena.’” Lya kali gano liinda.

Sowela ansi kubuzyabuzya kwa magano *aya*. Syoma gano liinda, gano lya lusyomo, elyo Jesu Kristo ndyapa.

¹⁶⁹ Ku gano ndilyonya, Leza wakakanana cindi nikwaatali cintu. Ninzi elyo gano? Eelyo gano liinda ngu Leza, lusyomo lwa Leza muli nduwe, cibeela ca Leza eco ciboola muli nduwe, cikupa gano liinda. Kwinda kuli elyo gano liinda, Leza wakapanga inyika antomwe ku zintu zyatakaliko azyata kali kulibonya. Wa kaamba Ijwi Lyakwe a kusyoma Ijwi Lyakwe, nkabela inyika yaka zunganisigwa kuti ibeko. Bulemu!

¹⁷⁰ I gano lyacisambomwe, gano liinda, O Leza, koli tila ali ndime. Kolipa kuli ndime akuli onse uli bulide. Kotila gano Lyako lya cisambomwe muli ndime, Mwami. Ndili libambilide kupa ezi zyosanwe, luzibo lwangu lwini, mizeezo, ku sowela aansu kubuzyabuzya koonse, Mwami. Lekela Ijwi Lyako libe lya bwini, nkabela ijwi lyoonse lya muntu libe bubeji. Konse kubuzyabuzya, konse kuzumbauzya, ku sowegwe, akundi lekela kwiinda ku gano liinda, gano lya Muuya Uusalala.

¹⁷¹ Sena mula yanda eco? Nce cintu nco tu yanda. Leza amu longeze, beenzuma. Nce ncico ncobulide. Eelyo gano liinda liyo lumba cintucimwi, nkabela lilizyi kuti Uyo cicita. Lya kalamwa. “Nkambo oyo uboola kuli Leza weelede kusyoma kuti Mpali, alimwi ngu sikulumbula abo ba Mu yandaula amoyo wabo onse.”

¹⁷² Ikuti na gano lya cisambomwe lyaamba kuti, “Leza ula bamba Ijwi Lyakwe. Nda lipa lwangu kuli Nguwe. Nda lipa koonse nko Ndi jisi, kuli Nguwe. Gano lyangu lyaamba kuti eci ciyo cileta kucitika, lusyomo lwangu mu Ijwi lya Leza.” Mpawo, kwiita kufumbwa cintu cimbi, ciimpene kuli ncico, mbuli kuti tii cakaliko.

¹⁷³ Abrahamu waka swaana Leza, elyo Leza wakati, “Uyo oba a muvwanda kwinda kuli Sarah.” Elyo walo ngwa makumi ali ciloba ayosanwe, alimwi walo kali makumi ali cisambomwe ayosanwe. Abrahamu wakaita zintuzyonse zya takaliko, zyakali zi-. . .zyaka liimpene kuli ceeco, mbuli kuti tii cakaliko. Wa keenda mbuli kuti wa kabona Leza, alimwi wa—wa kasyoma.

¹⁷⁴ Wa kaita cili conse eco nca kaamba kuti tee cakaliko, kubuzyabuzya kumwi, cili conse cimbi eco. . .I dokotela inga na kati, “Baa, Abrahamu, uli cembeede loko kucita ceeco.” Eco tacibambi lwandaano asyoonto nca kaamba dokota, eco umwi umbi nca kaamba, eco mizeezo yakwe ncoya kaamba, eco kufumbwa cintu cimbi nca kaamba. Leza wakali luleme, nkabela wa kakkala a ncico.

¹⁷⁵ Eelyo ndi gano lya cisambomwe, gano liinda. “Leza, ko cipa kuli ndime. Leza, ndilekele ndijane kunji kwa ncico,” kukutauka ku bantu Bakwe, ngo mupailo wangu.

¹⁷⁶ Cifumo cino, cindi mutumbu naleta oyo muvwanda muniini, wamasusu asalaluka kumutwe, kaimvwi awa, misozi

kiimbulumukila aa masaya akwe. Nda kati, “Ndipenzi nzi, mucizi?”

177 Waa kati, “Mukwesu Branham, ujisi leukemiya.”

Nda kamvwa cintucimwi kacinyamuka. Oh! “Walo ndugwasyo ndulonya luliko mu ciindi ca penzi.”

178 Okuno kutali ciindi cilamfu cainda, Billy a Ndime twakali kuselemuka mugwagwa, keenzya. Balombe bamwi basiya baka selemukila mu mugwagwa, nkabela bakali kweenzya cakufwambaana. Elyo baka dinka mootokala mu mabali, akunyona kuzunguluka, kuzunguluka, kuzunguluka, akuwaala balombe bonse aa mugwagwa. Elyo musankwa umwi muniini wakali jatidwe kungsi lya mootokala, a sule lyakwe kali yeeme ku mootokala. I balombe baka sotauka a kutalika ku mubusya. Wa kati, “Oh, kaka utaciti! Sule lyangu lila pasuka! Uta! Uyo ndijaya! Uyo ndijaya! Uta ciciti!”

179 Elyo ba kati, “Oh, tweelede ku cigusya kuzwa kuli nduwe. Kwalo nkujata mulilo.”

180 Kati, “Atu. . . Utai pusi. Uli mukundi zapaula calufu! Uta ciciti! Uta ciciti!”

Nda koongolola kungsi awo, “Mulombe, sa uli Munakristo?”

Wa kati, “Peepe, munene.”

Nda kati, “Yebo ncibotu wa komba.”

Wa kaamba, “Iyi, munene.”

181 Gano lya cisambomwe lyaka beleka. Keenda nkoonya kusule lya mootokala. Elyo Nse kazibi mane ku Lubeta. Pele, mpoonya awo, oyo mootokala wakafwipuka, nkabela wakazwa ali nguwe. [Mukwesu Branham wanontola minwe yakwe—Mul.] Elyo wakasotoka mujulu a kuba kabotu. Ino cakali cinzi? “I lugwasyo lwa kaliko mu ciindi ca penzi.”

182 Twa kali kuselemuka kuzwa. . . I mulindu uusiya wakali kweenzya mootokala mu mugwagwa, Plymouth impya, kutandila mamaile aali myaanda yone aali njiyo. Waa kali kweenzya akubalika kuli kabotu loko. Elyo Nda kaubona mootokala. Wa kazungulusya kkilankishafuti yayo kugama mane mu cisamu. Billy a Ndime twakaimikila. Kwakali canda maningi, kutezeleka a mugwagwa kumbele lyesu, pele kwakayuma mpawo. I musimbi. . . I myuwo kayuunga canguzu loko, kutala mu Minnesota, kusikila yaka bbotola mootokala. Ula ciyeeya, Billy. Nda kazuzila kunselelo kuya kuli nguwe. Elyo, ngooyo, waa kakkede awo. Waa kati, “Oh, Ndili mukufwa. Ndili mukufwa.” Ba kaita ambulansi.

183 Ambulansi ya kaboola, nkabela bakalazika muntu ufwide kusule lya ambulansi. Kati, “Nse konzyi kumutola.”

184 Elyo aboobo mulimi wakati, “Ee, tuma muntuumwi umbi, cakufwambaana. I mwanakazi uli mukufwa.”

Nda keenda kutala kuya. Elyo Nda kati, “Mulindu, kwakaindi buyo kaniini.”

¹⁸⁵ Waa kati, “Oh, uta ndi gumi, munene. Uta ndigumi pe. Kusule lyangu!”

¹⁸⁶ Nda kati, “Mulindu, sena uli Munakristo?” Waa kandilanga. Elyo Nda kati, “Ndili mukutausi wa Makanimabotu. Ikuti na uli mukufwa, mbobuti mbo cibede kuli nduwe a Leza?”

Waa kati, “Munene, Ndi yanda kululama, lino.”

¹⁸⁷ Alimwi gano lya cisambomwe lyakatalika kubeleka. I nguzu zya Leza zyaka seluka. Waa kali kukonzya kuzwa mu mootokala, kakutakwe muntu umwi ku mugwasya. I nguzu zya Leza, uliko, “I lugwasyo ndulonya luliko mu ciindi ca mafwabi.”

¹⁸⁸ Twe enda ku lusyomo. Tu ponena ku lusyomo. “I baluleme bayo pona ku lusyomo.” Twe elede kupona nzila eyo. Mbangaye bayanda kuba akunji kwa gano, liinda lya cisambomwe?

Atu kotamike mitwe yesu mpawo, kuciindi notu komba.

¹⁸⁹ Mwami muyandisi, Leza wesu a Taata wesu, Uli kabotu loko kuli ndiswe. Wa tupa magano osanwe kuponena kuli ndilyo a kweenda munsu, mu nyika eyi, na ku—na kuguma nyika. Tula konzya kumvwa zintu ezyo—ezyo zila vugwa, kubelesya maanza esu, zintu zilabugume. Wa tupa kumvwa, kuti inga twamvwa. Tuli kkomene loko kuli ceeco, kuti inga twa mvwa Ijwi lya Leza, alimwi, kuli eco, “Lusyomo lulaboola kwiinda ku kumvwa, kumvwa Ijwi lya Leza.” Tuli lumbide ku magano aya ali cisambomwe, Mwami. Akube kuti twaa bambe, mazuba oonse aa buumi bwesu.

¹⁹⁰ Pele akube kuti eli gano liinda, akube kuti gano lya lusyomo, lizulilwa ku musyomi, nkaambo weelede kuba andilyo kutegwa kasyoma. Mwami, kotupa kunji kwa ndilyo. Oh, cisalazye, Mwami, a ku tusoleka, aku tuzuzya bubotu Bwako a nguzu Zyako. A tweende mu mazuba oonse aa buumi bwesu, kwiinda ku gano lya cisambomwe, kwiinda ku gano lya lusyomo, eelyo lipedwe buyo kuli Jesu Kristo. Eco nco tukombela, akube kuti tusyome kuteeti twa citambula, bata jisi kuzumbauzya mu moyo wesu, alimwi Wa kasyomezya kuti ciyo citika.

¹⁹¹ Abo banyamwide maanza abo mujulu, Mwami, Nda ba pailila. Ba jisi kubula kunji. Yebo ulizyi mbo bakabede. Nda komba kuti Uyo zileta kucitika, umwi aumwi wabo. Akube kuti cizulizigwe, kuyanda kwabo. Nda cilomba mu Zina lya Jesu. Ameni.


Lusyomo muli Taata, lusyomo mu Mwana,
 Lusyomo mu Muuya Uusalala, aba botatwe
 bali Bomwe;
 Madaimona ayo kankama, a basizibi
 basinsimuka;

Lusyomo muli Jehova luyo zungaanya cili
coonse.

¹⁹² Sena mwakasola kukamvwa, kale? Lino kakutakwe ciimbo,
aniimi buyo...?...

Lusyomo muli Taata, lusyomo mu Mwana,
Lusyomo mu Muuya Uusalala, aba botatwe
bali Bomwe;
Madaimona ayo kankama, a basizibi
basinsimuka;
Lusyomo muli Jehova luyo zungaanya coonse.

¹⁹³ Mbo mbubo. Oh, ma! Lusyomo luyandisi! Lusyomo,
luyandisi lwabulemu! Leza, ndipe lusyomo. “Ku lusyomo,
Abrahamu. Ku lusyomo, Izaka. Ku lusyomo, Abela wakatuulila
Leza cituuzyo ciinda kubota kuli ca Kaini; walo mukuti
ulifwide, nekubaboobo ucilungulula.” Oh, obo mbo tuyandika
lusyomo! Nda Mu yanda. Ndi yanda lusyomo lunji. Kuyandisya
kwangu mu buumi obu, alimwi kwa mwaka oyu mupya uboola,
ndusyomo lunji muli Leza. Leza, kogwisya kudonaika kuli
koonse oko mu mizeezo yangu, ikuti na kwasola kubuka bomwe.
Saatani ula ndilwana, ula mulwanina, walo usola kudubula
myuumba yakwe. Pele akube kuti Ndi be antobo eyi ya lusyomo
lyoonse kunembo lyangu, ku kuzunda mameneno a dyabulosi,
ku kuunya, tumwaya mimvwi yakwe mikali, ngo mupailo
wangu usinizizye. Leza amu longezye.

¹⁹⁴ Jisi cintu cili coonse ca kwaamba, Mukwesu Neville?
[Mukwesu Neville waamba, “Peepe, biyo kwambilizya
alimwi.”—Mul.] Ko boola. 

59-1227E Ii Gano Liinda
Branham Tabernacle
Jeffersonville, Indiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org